

今文尚書考證

今文尙書攷證卷十四

善化皮錫瑞

康誥第十四 周書五

康誥史記衛世家曰武王已克殷紂復以殷餘民封紂子武庚祿父比諸侯以奉其先祀勿絕爲武庚未集恐其有賊心武王乃令其弟管叔蔡叔傅相武庚祿父以和其民武王既崩成王少周公旦代成王治當國管叔蔡叔疑周公乃與武庚祿父作亂欲攻成周周公旦以成王命與師伐殷殺武庚祿父管叔放蔡叔以武庚殷餘民封康叔爲衛君居河淇間故商墟周公旦懼康叔齒少乃申告康叔曰必求殷之賢人君子長者問其先殷所以興所以亾而務愛民告以紂所以亾者以淫於酒酒之失婦人是川故紂之亂自此始爲梓材示君子可法則故謂之康誥酒誥梓材以命之索隱曰康畿內國名宋忠曰康叔從康徙封衛畿內之康不知所在也案索隱蓋用馬注以康爲圻內國名鄭注則云康諡號江聲說逸周書諡法解云溫柔好樂曰康安樂撫民曰康令民安樂曰康康之爲號有此三誼皆與康叔之行相似故鄭君以康爲諡史記言康叔封冉季載皆少未得封是則當武王時康叔實未

有國及武王崩卽有流言之事周公出居東都既反而居攝服姬
其地封康叔則康叔始封卽當爲衛國何嘗有康國乎康自是證
號鄭說誠是馬王偽孔皆非也錫瑞謹案江說是也衛世家無從
康得封衛之文史記自序云牧殷餘民叔封始邑是叔封始邑於
衛非始邑於康宋忠云畿內之康不知所在是其說本無徵故鄭
不用馬義王肅好與鄭難乃舍鄭而從馬僞孔傳卽肅造而亦云
地闕是爲臆說無疑若姓書云康叔故城在潁川括地志云故康
城在許州陽翟縣西北三十五里此等書皆當僞孔盛行之後傳
會地名以實其說豈可爲據而後人信之者蓋以史記云康叔卒
子康伯代立若是證號不應父子同證爲康不知父子不可同名
未嘗不可同證證法周公所作而文王證文周公亦證文見於國
語云周文公之頌曰此其塙證若父子不可同證當時敢以非禮
之證加之周公乎今制由翰林出身者例證文常有父子祖孫同
證文者何俗儒竝此不知也春秋時魯有文公是祖孫又同證列
國中祖孫同證者尤多率爲後人妄改譙周古史考改康伯爲牟
伯正疑同證而妄改之譙周蓋亦以康叔爲證號也而改康伯爲
牟伯與左傳世本史記皆不合史記周本紀康王之誥亦云作康
誥與此康誥同文正以康字皆是證號疑今文尙書康王之誥有
但作康誥二字者故史公云然論衡引康誥之文作康王之誥自

屬誤衍二字然亦當以二篇皆云康誥故致誤也必以康為國名則康王之誥史公但云康誥豈亦是國名耶古今人表以衛康叔封與陳胡公滿竝列班氏當亦以康為誥胡是誥號康亦誥號人表第六等又有衛康叔注云封子若康叔因封康而稱康豈其子亦曾先封於康耶蔡邕述行賦曰悟衛康之封疆此伯喈用今文說以康為誥之明證衛康猶云齊桓晉文若以康為國名則衛康之封疆又豈可通耶康乃誥號而以之名篇者疑康叔生即以康為號沒因為誥史公分別康誥酒誥梓材之義以移愛民屬之康誥則康當取愛民為義康誥一篇云用康保民用康父民迪吉康也此乃心康字甚多疑康叔之康即以此為號如成王生號成王之

惟三月哉生魄

○今文魄作霸○大傳曰周公攝政四年建侯衛

月哉生霸此亦當同說文月部云霸月始生霸然也承大月二日承小月三日周書曰哉生霸厥古文霸厥為古文則今文作霸一作載生魄○漢書王莽傳作載生魄段借字也禮記鄉飲酒義日月三日則成魄推度災日月三日成魄八日成光援神契日月三日而成魄三月而成時白虎通日月篇曰三日成魄八日成光揚子法言五百篇曰月未望則載魄於西既望則終魄於東今文

說皆以月初生明為魄與許君古文說不異惟漢書律曆志引三統術曰死霸朔也生霸望也孟康曰月二日以往明生魄死故言死魄魄月質也此劉歆異說與古經傳不同

周公初基作新大邑于東國洛四方民大和會大傳曰周公將作禮樂優游之三年

不能作君子恥其言而不見從恥其行而不見隨將大作恐天下莫我知也將小作恐不能揚父祖功業德澤然後營洛以觀天下之心於是四方諸侯率其羣黨各攻位於其庭周公曰示之以力役且猶至況導之以禮樂乎然後敢作禮樂書曰作新大邑于東國洛四方民大和會此之謂也孫星衍說云各攻位於其庭則今文以基為基址與鄭說基為基謀異矣

侯甸男邦采衛百工播民和見士于周周公咸勤乃洪大誥治今

文男邦作任國。今文尚書男邦作任國史記禹貢文可證書釋文云一本作周公迺洪大誥治蓋一本無咸勤二字釋文不載石經同異未可據為今文

王若曰孟侯朕其弟小子封漢書王莽傳莽上奏太后曰尚書康誥王若曰孟侯朕其弟小子封此周

公居攝稱王之文也大傳略說曰天子太子年十八曰孟侯孟侯者於四方諸侯來朝迎於郊者問其所不知也問之人民之所好惡土地所生美珍異山川之所有無及父在時皆知之鄭注云孟迎也十八嚮入大學爲成人博問庶事也又注尙書云依略說太子十八爲孟侯而呼成王錫瑞謹案白虎通朝聘篇曰朝禮柰何諸侯將至京師使人通命于天子天子遣大夫迎之百里之郊遣世子迎之五十里之郊矣觀禮經曰至于郊王使人皮弁用璧勞尙書大傳曰天子太子年十八曰孟侯至于四方諸侯來朝迎于郊禮經注孝經曰昔者明王之以孝治天下不敢遣小國之臣而况於公侯伯子男乎鄭注古者諸侯五年一朝天子使世子郊迎賈公彥儀禮疏引書大傳太子出迎之文以爲此異代之制又引孝經鄭注天子使世子郊迎皆異代法非周制也唐冊太子文云盡謙恭于齒冑審方俗于迎郊猶用大傳之文孔穎達正義乃云禮制無文義理駢曲不知一代有一代之法賈公彥明云異代之制不得以周禮無文爲疑大傳毋佚篇曰高宗有親喪居廬三年然未嘗言國事而天下無背叛之心者何也及其爲太子之時盡以知天下人民之所好惡是以雖不言國事也知天下無背叛之心伏生言高宗爲太子之時知人民之所好惡正與略說孟侯之義相合是殷時有此制史記五帝本紀解四門穆穆云諸侯遠方賓客皆敬集解引馬融曰四門四方之門諸侯羣臣朝者舜賓迎

之皆有美德也賓迎四方諸侯正太子迎侯之事蓋堯將禪舜先使舜居太子之職自唐虞至殷其制皆然封康叔在居攝四年未制周禮故循殷制呼成王爲孟侯其後周公制禮損益前代無復此制所以儀禮無太子迎侯之文後人遂不知有此事推伏生見古書識其制耳正義又云豈周公自許天子以王爲孟侯皆不可信不知周公攝政稱天子見逸周書明堂解禮記明堂位諸書荀子史記大傳說苑淮南論衡皆有居位踐阼之文此王若曰實屬居攝稱王土無二王公稱王則成王止可稱世子古者世子之稱繫於今君亦繫於先君禮記曾子問曰君薨而世子生如之何是君薨仍可稱世子孔子曰卿大夫士從攝主是古有代君攝位之事左氏傳曰是以隱公立而奉之杜注立爲太子帥國人奉之孔疏云太子者父在之稱今惠公已薨而云立爲太子者以其未堪爲君仍處太子之位故也以此推之成王少未堪爲君猶之魯桓周公攝位猶之魯隱隱公可奉桓公爲太子周公何不可奉成王爲太子乎文王世子曰抗世子法於伯禽此周公奉成王爲世子之塙證成王爲太子故曰孟侯孟訓迎句侯指諸侯乃周公使成王迎諸侯非周公以王爲侯如孔疏所疑也王鳴盛據大戴記公冠篇公冠爲成王可稱公即可稱侯孫星衍據釋詁云侯君也太子稱孟侯猶云長君漢靈帝皇子辯號史侯皇子協號董侯案王氏孫氏雖申伏羲皆與伏羲不符伏云孟侯謂迎諸侯非謂太子

爲侯如王氏孫氏之說皆謂太子爲侯顯與伏鄭之義相違又無
以解孔疏之惑且史侯董侯乃亂世之事豈可以證古制哉漢書
地理志曰周公封弟康叔號曰孟侯與其所撰白虎通引大傳義
不合陳喬樞以爲班固從祖伯從鄭寬中受小夏侯書蓋小夏
侯說也然攷之史記康叔不得稱侯衛世家云封康叔爲衛君不
言何爵後有康伯考伯嗣伯康伯靖伯貞伯皆稱伯至頃侯厚賂
周夷王夷王命衛爲侯其後始稱侯索隱引系本庭伯作摯伯貞
伯作箕伯爲異而稱伯則同是衛初封時乃伯爵非侯爵麒麟
矯柚體似麒麟然則班志未可據而伏生鄭君以爲成王者其義不
可易矣周公封康叔必呼成王者成王爲太子主迎諸侯則封諸
侯亦太子之所有事故公竝戒成王趙岐注孟子以康誥爲周
公戒成王及康叔封而作臺卿用今文說蓋今文之義如是也
惟乃丕顯考文王克明德慎罰。今文作克明俊德。大傳曰惟
夏日昔者三王愍然欲錯刑遂罰平心而應之和然後行之然且
日吾意者以不平慮之乎吾意者以不和平之乎如此者三然後
行之此之謂慎罰。一作克明明德一作克明明德。荀子正論篇
書曰克明明德謂王道貴宣明不當以元而難知使人疑荀子在
焚書前其所引書可據大小戴記與大小夏侯書同出自夏侯
始昌而大學引康誥曰克明明德與大傳異者蓋大傳多俊字乃歐

陽異文段玉裁云俊字當是本作明淺人所改恐未可
據蔡邕朱公叔鼎銘曰克明慎德合明德慎罰言之

不敢侮鰥寡庸庸祇祇威威顯民用肇造我區夏。今文威作畏

云文王祇畏造彼區夏王應麟藝文志攷證云漢人引祇祇畏畏顯民廣雅釋訓云祇祇畏畏敬也蓋今文尙書作畏蔡邕太尉橋公廟碑曰

祇厥勳庸

越我一二邦以修我西土惟時怙冒聞于上帝帝休天乃大命文

王大傳曰天之命文王非嗶嗶然有聲音也文王在位而天下大服施政而物皆聽命則行禁則止動搖而不逆天之道故曰天

乃大命文王文王受命一年斷虞芮之質二年伐于三年伐密須四年伐畎夷五年伐耆六年伐崇七年而崩論衡初稟篇曰康王

臨辨之詰曰冒聞于上帝帝休天乃大命文王所謂大命者非天乃命文王也聖人動作天命之意也與天合同若天使之矣書方

敷勸康叔勉使爲善故言文王行道上帝聞于天乃大命之也趙岐孟子注引康誥曰冒聞于上帝亦以冒字下屬王鳴盛說冒有

上進意故曰冒聞讀如汜勝之農書云土長冒振之冒

殪戎殷誕受厥命越厥邦厥民惟時敘乃寡兄昂

。今文殪作壹。左宣六年傳。

引周書曰殪戎殷杜注云殪盡也康誥言武王以兵伐殷盡滅之。錫瑞案揚雄兗州牧箴曰武果戎殷是今文說亦以戎殷為武王事。訓戎為兵杜氏之說不誤。王鳴盛謂杜以文王事移屬武不足據。信非也。禮記中庸壹戎衣而有天下鄭注云戎兵也衣讀如殺聲之誤也。壹戎殷者一用兵伐殷也。鄭本作壹與左氏傳作殪不同。蓋今文作壹。

肆汝小子封在茲東土

白虎通封公侯篇曰天下太平乃封親屬者示不私也。卽不私封之何。普天之下莫

非王土。率土之賓莫非王臣。海內之眾已盡得使之不忍使親屬無短足之居。一人之使封之親親之義也。以尙書封康叔據平安也。鄭注居攝四年隆平已至與白虎通義合。

王曰嗚呼封汝念哉。今民將在祗遘乃文考紹聞衣德言往敷求

于殷先哲王用保乂民汝丕遠惟商耆成人宅心知訓

史記曰必求殷之賢

人君子長者問其先殷所以興所以亾而務愛民孫星衍說賢人君子謂成人長者謂耆云。務愛民謂保艾民云。問其先殷所以興

公卽上所云紹
聞衣德言也

別求聞由古先哲王用康保民弘于天若德裕乃身不廢在王命

荀子富國篇曰足國裕民而善藏其餘故知節用裕民則必有仁
義聖良之名而且富厚邱山之積矣康誥曰宏覆乎天若德裕
乃身不廢在王庭殊琳臚此之謂也楊倞
注宏覆如天又順于德是乃所以寬裕女身也

王曰嗚呼小子封惇縻乃身敬哉天畏棐忱威忱作謹。後漢書

和帝紀永元八年詔曰朕寤寐惇惇矜章懷注云尚書曰惇矜乃身
風俗通十反篇云書曰天威棐謫言天德輔誠也爾雅郭注文選
李善注引皆作威蔡邕瑯琊王傳蔡公碑曰示以棐謫之威今
文尚書祗祗畏畏作畏天威棐謫作威與古文尚書適相反

民情大可見小人難保往盡乃心文尚書往盡乃心今文尚書作

往悉乃心漢舊儀丞相御史大夫初拜策曰往悉乃心宣帝神爵
三年丞相初拜策五鳳二年御史大夫初拜策皆曰往悉乃心和
祿開賢史記三王世家武帝封燕齊廣陵王策皆曰悉爾心漢書
董賢傳哀帝封董賢策曰往悉爾心漢故國三老袁良碑曰往悉

乃心蔡邕西鼎銘曰悉心在公朱公叔鼎銘曰悉心臣事文烈侯楊公碑曰悉心畢力三國志引英雄記袁紹遣使拜烏丸版文曰用能悉乃心克有勳力於國家皆用今文尙書江段孫陳諸君皆不一引之未免失之目前矣

無康好逸豫乃其父民

家立廣陵王策曰毋侗好佚作艾。史記三王世

國艾民可不敬與褚少孫曰毋侗好佚無長好佚樂馳騁弋獵淫康。一作毋相好逸。漢書武五子傳廣陵厲王胥策曰毋相好逸應劭曰無好逸游之事師古曰桐音同桐輕脫之貌也陳喬樞說侗桐古通用字如倥侗亦作空桐是其驗已據褚少孫釋無侗好爲無長好則侗有長之訓誼矣

我聞曰怨不在大亦不在小惠不惠懋不懋已汝惟小子乃服惟

弘。今文已作懋。國語引周書曰怨不在大亦不在小韋昭注怨不在大或大而不爲從亦不在小或禍難起小怨左昭八年傳曰周書曰惠不惠茂不茂康叔所以服宏也大也當於宏字絕句蔡邕文烈侯楊公碑曰祗服宏業已今文作熙見大誥

王應保殷民亦惟助王宅天命作新民王曰嗚呼封敬明乃罰今

文嗚呼作於戲。潛夫論引作於戲見下
禮記大學引作新民縹衣引敬明乃罰

人有小罪非眚乃惟終自作不典式爾有厥罪小乃不可不殺。

文非眚作匪省式作戒。潛夫論述赦篇云尙書康誥王曰於戲
敬明乃罰人有小罪匪省乃惟終自作不典戒爾有厥罪小乃不
可不殺言恐賊罔人有罪雖小然非以過差爲之也乃欲終身
行之故雖小不可不殺也何則是本頑凶思惡而爲之者也後漢
書陳忠傳忠上疏曰明者慎微
智者識幾書曰小不可不殺

乃有大罪非終乃惟眚災適爾既道極厥辜時乃不可殺。

。今文

匪終眚災作省哉辜作罪時乃作時亦。潛夫論又曰乃有大罪
匪終乃惟省哉適爾既道極厥罪時亦不可殺言殺罔人有罪雖有
大罪非欲以終身爲惡乃過誤爾是不
報罔殺也若此者雖曰赦之可也

王曰嗚呼封有敘時乃大明服惟民其勅懋和若有疾。

左傳二十

周書曰乃大明服荀子富國篇曰誠乎上則下應之如景響雖欲
無明達得乎哉書曰乃大明服惟民其力懋和而有疾此之謂也

楊倞注曰慙勉也言君大明以服下則民勉力為和調而疾速以明效上之急也今本力作勑而作若宋本不誤江聲說觀左氏荀卿所引知時字不下屬心

惟民其畢棄咎若保赤子惟民其康乂孟子墨者夷之曰儒者之道古之人若保赤子此言

何謂也孟子曰彼有取爾也赤子匍匐將入井非赤子之罪也趙

生曰以赤子無知故救之王鳴盛說康誥若保赤子須用孟子誼

乃始允合蓋此主用刑而言言民犯法如赤子無知觸陷於死地

吾保教之民自安治後漢書順帝紀詔曰儉以恤民政致康乂又

梁商傳商疏曰賞不僭濫刑不淫濫五帝三王所以同致康乂也

蔡邕和嘉鄧后諡議曰以迄康乂萬皇甫規曰迄用康乂○今文

若保一作如保乂一作艾○禮大學康誥曰如保赤子心誠求之

雖不中不遠矣鄭注曰養子者推心求之而中於赤子之嗜欲也

樊毅修華嶽碑云康艾室字

非汝封刑人殺人無或刑人殺人非汝封又曰剕刑人無或剕刑

人○今文則作刑○王引之說則當作刑字形相似而誤也困九

五剕刑虞翻注曰割鼻曰剕斷足曰刑正與康誥剕刑同義楊

雄廷尉箴曰有國者無云何謂是刑是刑即本於康誥也鄭注康誥曰臣從君坐之刑則字當作刑蓋僖公二十八年左傳刑鍼莊子曰正刑是臣從君坐之刑也呂刑則刑亦刑之誥說文敬字引書曰刑則敬縣是許氏所見本正作刑也夏侯等今文尙書作臈臈官臈臈體詔在制頭庶刺案臈爲去臈蓋與刑同類故今文作臈古文作刑猶刑碎之刑今文作臈周官作刑也若作刑字而訓斲耳則與臈義不相當矣錫瑞謹案王說是也據廷尉箴則子雲所據今文尙書正作刑王鳴盛段玉裁陳喬樞說皆非

王曰外事汝陳時臬司師茲殷罰有倫

大傳曰茲殷罰有倫今也反是諸侯不同聽每君異

法聽無有倫是故知法難也荀子正名篇曰刑名從商爵名從周楊倞注曰商之刑法未聞康誥曰殷罰有倫言殷刑之允當也

又曰要囚服念五六日至于旬時丕蔽要囚王曰汝陳時臬司

蔽殷彝用其義刑義殺勿庸以次汝封乃汝盡邇曰時敘惟曰未

有邇事

荀子致士篇云書曰義刑義殺勿庸以即句女惟曰未有順事言先教也注曰當先教後刑躬自厚而薄責於人也

又宥坐篇云不教而責成功虐也書曰義刑義殺勿庸以即予維日未有順事言先教也家語始誅篇書云義刑義殺勿庸以即汝

心惟曰未有慎事王肅注曰庸用也卽就也刑殺皆當以義勿用以就汝心之所安當謹自謂未有順事且陳道德以服之以無刑殺而後爲順段王裁說據注文則引經慎字亦當同孫卿作順轉寫之誤也案王肅引經略同荀子其注則與僞孔傳合

已汝惟小子未其有若汝封之心朕心朕德惟乃知凡民自得罪

○今文已作熙○荀子君子篇曰聖王在上分義行乎下刑罰禁省而威行如流治世曉然皆知夫爲姦則雖隱竄逃亡之山不足以免也故莫不服罪而請書曰凡人自得罪此之謂也注曰與今康誥義不同或斷章取義與王鳴盛說此以自作服罪解蓋殺人取貨惡之大者有誅無赦必服其罪苟義得之僞傳非也案荀子引書作凡人與下凡民罔不識作凡民不合人字蓋楊倞唐人避諱改之

寇攘姦宄殺越人于貨罔不畏死罔弗慝

○今文啓作罔罔弗慝上多凡民二字弗慝作

不識○孟子曰康誥曰殺越人于貨罔不畏死凡民罔不識是不待教而誅者也殷受夏周受殷所不辭也趙注曰康誥尙書篇名周公戒成王康叔封越于皆於也殺於人取於貨罔然不知畏死者讞殺也凡民無不得殺之者若此之惡不待君之教命遭人得

討之三代相傳以此法不須辭問也案臺鼎治今文學者所據孟子本當同今文故與說文引周書曰敬不畏死凡民罔不慈異訓誡怨不同蓋今文說也

王曰封元惡大憝矧惟不孝不友子弗祗服厥父事大傷厥考心于父不能字厥子乃疾厥子于弟弗念天顯乃弗克恭厥兄兄亦不念鞠子哀大不友于弟惟弔茲不于我政人得罪天惟與我民

彝大泯亂曰乃其速由文王作罰刑茲無赦

左傳三十三年傳引康誥曰父不慈子不

祗兄不友弟不恭不相及也又昭二十年傳在康誥曰父子兄弟罪不相及後漢書肅宗紀鄭志趙商問引同儔三十三年傳後漢書楊彪傳謝弼傳三國崔季珪傳注引孔融曰潛夫論榮辱篇引同昭二十年傳蓋左氏槩括經義漢人即本左傳所謂不相及者謂不以父不慈罪其子不以子不祗罪其父兄弟亦然其義皆本經文非今文有此佚句也潛夫論述赦篇曰養稊稗者傷禾稼惠姦軌者賊良民書曰文王作罰刑茲無赦先王制刑非好傷人肌膚斷人壽命乃以威姦懲惡除民害也漢書宣帝紀風俗通皇霸

篇皆引書文王作罰刑茲無赦不逮乃其速由四字孫星衍說速者釋言云徵也徵義同召由同就廣雅釋詁云罪也乃其自召罪就酒誥曰惟民自速事多方曰乃惟爾自速率語意正同或以乃其速由下屬文王作罰爲句不然也

不率大戛矧惟外庶子訓人惟厥正人越小臣諸節乃別播敷造民大譽弗念弗庸瘵厥君時乃引惡惟朕憝已汝乃其速由茲義率殺。今文已作熙。孫星衍說漢書王尊傳尊曰律無妻母之法聖人所不忍書此經所謂造獄者也注晉灼曰歐陽尙書有此造獄事也造獄者不循常法遇非常之事不得已而用之今或別爲傳播以陷有名之人同惡相引是可誅也歐陽造獄別無可附疑今文說此條之義也

亦惟君惟長不能厥家人越厥小臣外正惟威惟虐大放王命乃非德用乂汝亦罔不克敬典乃由裕民惟文王之敬忌乃裕民曰我惟有及則予一人以懌荀子君道篇曰有治人無治法法不得獨立得其人則存故明主急得其人急

得其人則身佚而國治功大而名美故君人勞於素之而休於使之書曰惟文王之敬忌一人以擇此之謂也說苑君道篇曰虞芮質其成於文王入文王之境未見文王之身而讓其所爭以爲閒田而反孔子曰大哉文王之道乎其不可加矣不動而變無爲而成敬慎恭己而虞芮自平故書曰惟文王之敬忌此之謂也段玉裁說古擇澤釋擇通用一人以擇擇卽擇也上文所謂身佚而國治也敬忌上文所謂急得其人也陳喬樞說案虞芮之君見文王云人民讓爲士大夫其士大夫讓爲公卿亦化而讓田是所謂得其人則身佚而國治也

王曰封爽惟民迪吉康我時其惟殷先哲王德用康乂民作求矧今民罔迪不適不迪則罔政在厥邦王曰封子惟不可不監告汝德之說于罰之行今惟民不靜未戾厥心迪屢未同爽惟天其罰殛我我其不怨惟厥罪無在大亦無在多矧曰其尙顯聞于天王曰嗚呼封敬哉無作怨勿用非謀非彝蔽時忱丕則敏德

。今文無作怨

勿用非謀非彘作毋作怨毋便德一作毋作斐德。史記三王世家燕王旦策文曰毋作怨毋便德徐廣曰便一作菲索隱曰蘇林曰非廢也本亦作便肥敗也孔文祥曰非薄也漢書作斐褚少孫曰無作怨者勿使從俗以怨望也無便德者勿使上背德也漢書武五子傳燕王旦策文曰毋作怨毋作斐德服虔曰斐薄也師古曰斐古匪字也匪非也段玉裁說毋便德疑亦用康誥勿用非謀非彘蔽時忱丕則敏德等語今攷褚先生曰無便德者勿使上背德也則肥便斐菲皆非正字其字正作非說文非遠也从飛省下攷取其相背故褚先生訓非德為上背德漢人訓故之學皆有依據後人釋為薄釋為廢釋為敗者皆失之古飛字多作蜚易飛遞亦作肥遞皆同音通用陳喬樞說據漢書毋作斐德則知今文尚書勿用非謀非彘勿字亦當作毋字也

用康乃心顧乃德遠乃猷裕

王引之說當以遠乃猷裕為句方言曰裕猷道也東齊曰裕或曰猷遠乃

猷裕即遠乃道也君奭曰告君乃猷裕與此同猷由古字通道謂之猷裕道民亦謂之猷裕上文曰乃由裕民錫瑞案王說是也據

方言則子雲所用今文義當如此

乃以民寧不汝瑕殄王曰嗚呼肆汝小子封惟命不予常

左成十六年傳

周書曰惟命不于常有德之謂襄二十三年傳亦引此經禮大學
康誥曰惟命不于常道善則得之不善則失之矣鄭注命天命也
天命不于常言不專佑一家也戰國策卷二十四引周書曰惟命
不于常此言幸之不可數也史記三王世家齊王閔策曰惟命不
常于

汝念哉無我殄享明乃服命高乃聽用康父民王若曰往哉封勿

替敬典聽朕告汝乃以殷民世享

錫瑞謹案周公居攝封康叔兩漢今古文無異義後人乃謂武

王時事又或用宋忠說以為由康徙封衛臆說無據既明辨之矣
惟史記三王世家云康叔後扞祿父之難後漢書蘇竟曉劉襲書
曰周公之善康叔以不從管蔡之亂也二說似有可疑或據以為
康叔先封管蔡後亂之證今攷二說亦甚易解管蔡流言作亂之
時京師亦必有從亂者惟康叔不從亂周公東征祿父康叔富有
協贊之功故公深知其能使監殷民於衛是以漢羣臣言扞祿父
之難蘇武云不從管蔡之亂也或又以云後扞祿父之難似乎受
封在先攷未央宮羣臣奏云伏聞康叔親屬有十武王繼體周公
輔成王其八人皆以祖考之尊建為大國康叔之年幼周公在三
公之位而伯禽據國於魯蓋爵命之時未至成人康叔後扞祿父

之難伯禽殄淮夷之亂此蓋諸臣約舉其事未及分別其文據管
蔡世家云武王同母兄弟十人母曰太姒文王正妃也其長子曰
伯邑考次曰武王發次曰管叔鮮次曰曹叔振鐸次曰成叔武次曰霍
叔處次曰康叔封次曰冉季載武王封叔鮮於管封叔武於蔡封
叔旦於魯封叔振鐸於曹封叔武於成封叔處於霍康叔封冉季
載皆少未得封序次甚明是武王同母兄弟十人有伯邑考在內
史公云伯邑考既已前卒矣不云有後封國則伯邑考無後武王
同母兄弟十人去其一矣而諸臣云武王周公之外其八人皆建
爲大國不知八人中有伯邑考無後竝未封國則已失其實矣又
據史記伯禽殄淮夷之亂與康叔扞祿父之難是同時事伯禽當
時乃攝國事而未定封其定封爲居攝七年又在封康叔之後康
叔當武王時少未得封皆非未至成人而受爵命者諸臣意在早
封王子援引古事或失其真不得以文害辭徒據一時疑似之文
反違史公之明說也

今文尙書攷證卷十四 士

今文尙書攷證卷十四

受業 熊羅宿 拔
袁宗濂

今文尙書攷證卷十五

善化皮錫瑞

酒誥第十五 周書六

酒誥史記自序曰申以商亂酒材是告錫瑞謹案據此則史公所云申告康叔乃以告康叔者書非一篇既有康誥又申之以酒誥梓材故曰申告或乃云武王封康叔於康時已作誥成王徙封於衛乃取武王封叔於康之誥以申之故史記云申告不知史公無是說也或又謂康誥作於武王酒誥梓材作於成王故三家與馬本作成王若曰不知史記周本紀曰次康誥酒誥梓材其事在周公之篇衛世家曰故謂之康誥酒誥梓材以命之是三篇皆作自周公乃一時所作此篇獨云成王若曰蓋舊史之文如是非別有異義也揚子法言問神篇曰昔之說誓者序以百而酒誥之篇俄空焉今人夫子雲蓋因酒誥與康誥同一序疑別有序而人空之歟

王若曰。今文作成王若曰。書正義曰馬鄭王本以文涉三家而有成字三家云王年長骨節成立釋文曰馬本作成王

若曰注云俗儒以爲成王骨節始成故曰成王或曰以成王爲少
成二聖之功生號曰成王沒因爲證段玉裁說按魯世家曰管叔
及羣弟流言於國曰周公將不利於成王周公告太公召公曰武
王蚤終成王少誠伯禽曰我文王之子武王之弟成王之叔父尙
書大傳荀子堯問篇韓詩外傳卷三皆曰成王之叔父史記又曰
周公在豐病將沒曰必葬我成周以明吾不敢離成王尙書大
傳曰吾死必葬我成周示天下臣於成王詳玩此等皆實生稱成
王如湯生稱武王之比非屬史家誤筆三家之說固可信也錫瑞
謹案藝文類聚引春秋元命包曰文王造之而未遂武王遂之而
未成周公且抱少主而成之故曰成王亦以成王爲生稱漢書韋
元成傳曰成王成二聖之業制禮作樂功德茂盛廟猶不世以行
爲證而已亦卽生號成王沒因爲證之說大傳云奄君薄姑謂祿
父曰成王尙幼矣今本多妄改爲今王不知成王本生號也衛賈
馬之本同三家而馬詆爲俗儒不用其說僞孔本乃用馬說刪去
成字詩周頌成王不敢康國語明云道成王之德乃成王在時所
作毛鄭以爲成是王事其說迂迴難通宋儒乃疑是祀成王詩今
文廢而經義不明不得不歸咎
於毛公馬鄭之崇尙古文者矣

明大命於妹邦乃穆考文王肇國在西土厥誥庶邦庶士

王念孫說

漢碑多用今文衡方碑鐫茂伐祕將來伐功也祕告也言刻石紀功以告來世廣韻曰祕告也酒誥曰厥誥茲庶邦庶士言誥告庶邦庶士也又曰女典聽朕茲言女常聽朕告也車騎將軍馮緄碑曰刊石表績以茲來世祕與茲古字通錫瑞謹案王說是也張遷碑云刊石立表以茲後昆亦同此義廣韻之訓蓋本尙書舊注莽誥云天步勞我成功所茲亦當訓告孟康訓慎失之

越少正御事朝夕曰祀茲酒惟天降命肇我民惟元祀論衡譴告

長夜之飲文王朝夕曰祀茲酒何則非疾之者宜有以改易之也又語增篇云按酒誥之篇朝夕曰祀茲酒此言文王戒慎酒也

天降威我民用大亂喪德亦罔非酒惟行越小大邦用喪亦罔非

酒惟辜文王誥教小子有正有事無彝酒。今文無作毋。韓非

酒彝酒者常酒也常酒者天子失天下匹夫失其身段玉裁說按此酒誥而系之康誥者蓋周時通酒誥梓材爲康誥也錫瑞謹案

據此則三篇實同一篇韓非在焚書之前其說可據彼執酒誥成王若曰以康誥爲武王作者其謬不待辨矣

越庶國飲惟祀德將無醉大傳曰天子有事諸侯皆侍尊卑之義

賁奠然後燕私燕私者何也祭已而與族人飲也宗子燕族人於
堂宗婦燕族人於房序之以昭穆不醉而出是不親也醉而不出
是嫌宗也出而不止是不忠也親而甚敬忠而不倦若是則兄弟
之道備備者成也成者成於宗室也故曰飲而醉者宗室之意也
德將無醉族人之意也是故祀禮有讓德施有復義之至也注事
謂祭祀。今文一作德將毋醉。論衡語增篇云世間德將毋醉
之言見聖人
有多德之效

惟曰我民迪小子惟土物愛厥心臧聰聽祖考之彝訓越小大德

小子惟一妹土嗣爾股肱純其藝黍稷奔走事厥考厥長肇牽車

牛遠服賈用孝養厥父母。今文孝養二字作飲。白虎通商賈

篇曰行日商止日賈易曰先王以至日

閉關商旅不行后不省方論語曰賈之哉我待賈者也即如是尚

書曰肇牽車牛遠服賈用何言遠行可知也方言飲厥父母欲爾

供養之也王鳴盛說據此是古商賈本不同今以牽車遠行之商

乃不稱商而謂之賈者欲見爾養父母之義故也陳喬樞說爾雅

釋言云肇敏也郭璞注引書肇牽車牛為證其義與孔傳異當亦

本爾雅漢注所用今文家尙書說也案今文以賈用二字連文為

義與詩實用不售同
孝養二字今文作欽

厥父母慶自洗腆致用酒庶士有正越庶伯君子其爾典聽朕教
爾大克羞耆惟君爾乃飲食醉飽丕惟曰爾克永觀省作稽中德
爾尙克羞饋祀爾乃自介用逸
大傳曰古者聖帝之治天下也五
上遊飲也此傳釋經羞耆之義陳喬樞說羞耆卽養老之謂古者
天子諸侯皆有養老之禮百官與執事焉惟老成有德者始得用
酒以養爾庶士助君養老乃亦得醉酒而飽德故云爾克永觀省
作稽中德也江聲說逸旅酬也詩賓之初筵曰舉酬逸逸傳云逸
逸往來
次敘也

茲乃允惟王正事之臣茲亦惟天若元德永不怠在王家王曰封
我西土棐徂邦君御事小子尙克用文王教不腆于酒故我至于
今克受殷之命王曰封我聞惟曰在昔殷先哲王
大傳引酒誥王
曰封惟曰若圭

今文尙書攷證卷十五

三

璧今無此句劉向以中古文校歐陽大小夏侯三家經文酒誥脫簡一不知脫何文也豈若圭璧即在脫簡中乎陳壽祺說酒誥篇有王曰封我聞惟日在昔殷先哲王之語大傳所引疑或此句之異文

迪畏天顯小民經德秉哲自成湯咸至于帝乙

錫瑞謹案禮檀弓正義曰帝乙先儒

注皆以爲紂父鄭注引易說曰易之帝乙爲成湯書之帝乙先儒王則鄭君不以帝乙爲紂父先儒蓋賈馬等說也易緯乾鑿度云孔子曰自成湯至帝乙帝乙湯之元孫之孫也此帝乙謂湯也殷錄質以生日爲名順天性也元孫之孫外絕恩矣同以乙日生疏可同名白虎通姓名篇曰易曰帝乙謂成湯書曰帝乙謂六代孫也六代孫卽六世王亦卽元孫之孫緯書多同今文今文不以帝乙爲紂父也史記殷本紀曰湯子太丁太丁子太甲太甲子沃丁弟子小甲小甲弟子仲丁仲丁弟子帝祖乙立殷復興不數兄弟相及則祖乙正湯之六世孫本紀又曰帝乙立殷益衰是帝乙非令主書不應稱其人又與六世之說不合賈馬古文說非是鄭同今文用易說是也

成王畏相惟御事厥棐有恭不敢自暇自逸

。今文成王作成正厥棐作厥職。中論

諸交篇曰自王公至於列士莫不成正畏相厥職有恭不敢自暇
自逸偉長所引當是今文尚書酒誥篇文江段孫陳皆未及引
矧曰其敢崇飲越在外服侯甸男衛邦伯國伯。今文作侯甸任衛作
爵有五等以法五行也或三等者法三光也或法三光或法五行
何質家者據天故法三光文家者據地故法五行含文嘉曰殷爵
三等周爵五等各有宜也王制曰王者之制祿爵凡五等謂公侯
伯子男也此周制也所以名之爲公侯者何公者通也公正無私
之意也侯者侯也侯逆順也伯者白也子者孽也孽孽無已也男
者任也殷爵三等謂公侯伯也所以合子男從伯者何王者受命
改文從質無虛退人之義故上就伯也尚書曰侯甸任衛作國伯
謂殷也盧文弼說白虎通引以證子男從伯之義似作字亦非衍
文錫瑞謹案周禮職方氏有侯甸男采衛之服則侯甸任衛周制
也今文說以爲殷者蓋殷以前已有此名禹貢有甸侯任文作甸
國之名惟無衛耳或卽以奮武衛爲衛服歟

越在內服百僚庶尹惟亞惟服宗工越百姓里居罔敢湏于酒韓詩

說曰飲酒閉門不出客曰湏鄭注
飲酒齊色曰湏以湏字從面耳

不惟不敢亦不暇惟助成王德顯越尹人祇辟我聞亦惟曰在今

後嗣王酣身厥命罔顯于民祇保越怨不易誕惟厥縱淫泆于非

彝用燕喪威儀民罔不盡傷心惟荒腴于酒

史記殷本紀曰紂大最樂戲於沙邱以酒

爲池懸肉爲林使男女保相逐其間爲長夜之飲論衡語增篇云傳語曰紂沈湎於酒以糟爲邸以酒爲池牛飲者三千人爲長夜之飲亾其甲子又言紂懸肉以爲林令男女裸而相逐其間是謂醉樂淫戲無節度也周公封康叔告以紂用酒期於悉極欲以戒之也而不言糟邸酒池肉林長夜之飲亾其甲子聖人不言殆非實也傳書家欲惡紂故言增其實也高誘呂氏春秋注云飲酒合樂曰酣案紂作淫聲以悅婦人蓋飲酒亦作樂故史公云酒之失婦人是用紂之亂自此始也

不惟自息乃逸厥心疾很不克畏死辜在商邑

白虎通京師篇夏曰夏邑殷曰商邑

周曰京師尚書曰率割夏邑謂桀也在商邑謂殷也案據此則今文家以辜字上屬爲句

越殷國滅無罹弗惟德馨香祀登聞于天誕惟民怨庶羣自酒腥

聞在上故天降喪于殷罔愛于殷惟逸天非虐惟民自速辜王曰

封予不惟若茲多誥古人有言曰人無於水監當於民監○今文無作母

監作鑒。中論貴驗篇曰周書有言人毋鑒於水鑒於人也鑒也者可以察形言也者可以知德案據此則今文作毋作鑒國語申晉諫吳王曰王盍亦監於人毋監於水戰國策蔡澤說應侯曰監於水者見面之容監於人者知吉與凶史記燕湯征曰人視水見形視民知治不知治不

今惟殷隆厥命我其不大監撫于時予惟曰汝劓越殷獻臣侯

甸男衛矧太史友內史友○今文男作任。今文尙書男作任見上大戴禮記盛德篇曰內史太史左右

手也。虞辨注曰太史爲左史內史爲右史

越獻臣百宗工矧惟爾事服休服采矧惟若疇圻父薄違農父詩

文箋引書曰若疇圻父謂司馬也正義曰若疇圻父酒誥文也彼注云順壽萬民之圻父鄭本作順壽未知今文異同何如羣經音

辨引書薄韋葦父蓋今古文同今本衛包改也

若保宏父定辟矧汝剛制于酒厥或誥曰羣飲汝勿佚○今文汝

無失。王應麟漢藝文志攷云漢人引此句作羣飲女無失

盡執拘以歸于周予其殺○今文作盡執柯獻。說文繫傳柯擣

說柯作拘此如許君所言苛之字止句也而獻字不可通恐是齊語義字沙字儀字皆以獻爲之獻音在歌戈部柯獻合二字疊韻成文蓋齊語如是蓋伏生今文尙書如是

又惟殷之迪諸臣惟工乃湏于酒勿庸殺之姑惟教之有斯明享乃不用我教辭惟我一人弗恤弗蠲乃事時同于殺王曰封汝典聽朕誌勿辨乃司民湏于酒

受業

熊羅宿
黃宗濂校

今文尙書攷證卷十六

善化皮錫瑞

梓材第十八

周書七

梓材大傳曰伯禽與康叔見周公三見而三笞之康叔有駭色謂
曰南山之陽有木焉名喬二子往觀之見喬實高然而上反
以告商子商子曰喬者父道也南山之陰有木焉名梓二子復
往觀之見梓實晉晉然而俯反以告商子商子曰梓者子道也二
子明曰見周公入門而趨登堂而跪周公迎拂其首勞而食之
曰爾安見君子乎亦見說苑建本篇論衡譴告篇金履祥說梓材
之書伏生大傳以爲周公命伯禽之書今文當有周公曰而無封
字鄭漢助說古文王曰封今文當是王曰子才也子古文或借止
爲之才又近土古文以止木二字合爲聖字遂成康叔之名此古
文說之疏也今文曰王曰子才者子謂伯禽爲科子也才蓋伯禽
之名蓋取有材能則可禽獲醜虜也魏源說大傳以梓材爲諸伯
禽之書其今文之序亦當曰成王既伐管叔蔡叔以殷餘民封康
叔伯禽作康誥酒誥梓材與古文序本不同矣祝鮀述此書不名

今文尙書攷證卷十六

一

魯諸而名伯禽後世又名爲梓材者伯禽代父之國父前子名故不敢曰魯諸伯禽以字行後又無諡魯人止稱曰魯公既不敢斥先君伯禽之名故別取書中梓材二字名篇也康叔於周公不得爲父子康叔疑唐叔之誤兄弟之子猶子也故可稱父子引文選陰康氏之舞今誤作陶唐爲證錫璫謹案此皆鄉壁虛造之說非今文義也左氏傳云命以伯禽本不在尙書百篇中不可攷大傳言梓材之義似與經不相符然今古文遠異甚多據論衡引強人有王開賢厥率化民可證今三家尙書皆亡佚未可專據今本遂詆大傳爲謬史記於此篇不載其文而云爲梓材示君子可法則亦同大傳之義則今文說無梓材命伯禽之事金仁山說非是魏引申金說又謂今文之序當與古文序不同不知史記所載書序與馬鄭古文書序多異卽今文之序也而史記亦以康誥酒誥梓材三篇同屬康叔與馬鄭書序同又自序云申以商亂酒誥是告自序用韻之文非後人所能改竄是今古文皆以梓材爲諸康叔之書矣大傳雖以康叔伯禽並言實當以康叔爲主若以周公於康叔不當云父子爲疑則古者臣子一例尊者弟兄不得以其屬通封康叔在居攝四年周公方攝王故康叔與伯禽同在臣子之列論衡讀告篇曰是故康叔伯禽失子弟之道見於周公拜起駭悖三見三咎往見商子商子令觀橋梓之樹二子見橋梓心咸覺悟以知父子之禮仲任用今文說康叔於周公可稱父子其義甚

明是梓材告康叔古經傳無異義無緣妄以唐叔易之
而以梓材爲命伯禽也鄭以才爲伯禽名尤傳會無據

王曰封以厥庶民暨厥臣達大家以厥臣達王惟邦君汝若恆越

曰我有師師司徒司馬司空尹旅曰予罔厲殺人亦厥君先敬勞

肆徂厥敬勞肆往姦宄殺人厯人宥肆亦見厥君事戕敗人宥王

啟監厥飢爲民。今文作強人有王開賢厥率化民。論衡効力

也梓材曰邇人有王開賢厥率化民此言賢人亦壯強於禮義故

能開賢其率化民化民須禮義禮義須文章行有餘力則以學文

能學文有力之驗也段玉裁說今文尙書之乖異如此蓋彊戕音

同有宥音同啟開音同爲化音同率古讀如律與亂雙聲且古文

亂作率與率相似而敗字則古有今無賢與監則形略相似漢舊

儀丞相御史大夫初拜策皆曰往悉乃心和裕開賢此用今文尙

書開賢字錫瑞案鄭注尙書大傳云天於不中之人恆耆其

味厚其毒增以爲病將以開賢代之也亦用今文開賢字

曰無胥戕無胥虐至于敬寡至于屬婦。今文作至于鰥寡至于

婦。大傳曰老而無妻

謂之鰥老而無夫謂之寡幼而無父謂之孤老而無子謂之獨行而無資謂之乏居而無食謂之困此皆天下之至悲哀而無告者故聖人在上君子在位能者在職必先施此使無失職段玉裁說此釋至于矜寡而推廣言之也蓋古文尙書作敬今文尙書作矜而矜亦作鰥呂刑古文哀敬折獄尙書大傳作哀矜漢書于定國傳作哀鰥正其比例說文曰嫗婦人妊身也周書曰至于嫗婦說文蓋存壁中故書原文孔子國讀嫗爲屬婦與敬寡儷句則爲存恤聯屬之誼若今文尙書與鰥寡儷句則小爾雅所說是也小爾雅云妾婦之賤者謂之屬婦屬逮也逮婦之名言其微也小爾雅雖非孔鮒之書其說必有所本蓋今文家說也今文尙書作屬故孔讀嫗爲屬崔子玉清河王誅曰惠於嫗嫗崔蓋見古文故書者嫗卽寡也錫瑞謹案此與呂刑哀敬折獄皆當從今文作鰥作矜此爲鰥寡之鰥亦可作矜彼爲矜憐之矜亦可作鰥古鰥矜通用僞孔本皆作敬或卽僞孔改之或古文以聲近假借要其義必非恭敬之敬也段過信僞孔本云屬婦與敬寡儷句失之又云孔子國讀嫗爲屬今文說當如小爾雅其說尤謬崔子玉非習古文者未必見壁中故書其所據必是今文據崔所撰百官箴多同今文可證說文作嫗與崔所引書合是今古文皆作嫗廣雅曰嫗姆也玉篇曰嫗婦妊姆也廣韻曰嫗妊娠其義皆同說文張稚讓亦習今文者而與崔子玉皆同說文之義則說文非必用壁中字也

小爾雅與僞孔傳同出王肅其解金滕未可以戚我先王卽比附
僞孔之說足徵同出一手皆不可據朱子疑孔傳之僞云訓詁皆
出小爾雅最爲卓見以段氏之精議豈不知孔傳小爾雅皆是僞
書乃信小爾雅爲今文說僞孔本必是孔安國原本云孔子國讀
嬀爲屬一似今古文皆不作嬀者豈許叔重崔子玉所據乃不如
王子雍之可信乎且如其說孔子國讀嬀爲屬則說文訓爲姪身
而引周書者當是假借嬀與屬非一字矣崔子玉何以用經義云
惠於嬀嬀子玉豈不識文義者若嬀非姪身當讀爲屬而訓以嬀
屬屬逮試易其文曰惠於
屬嬀豈可通乎亦俱甚矣

合由以容王其效邦君越御事厥命曷以引養引恬自古王若茲

監罔攸辟惟曰若稽田既勤敷舊惟其陳修爲厥疆畎若作室家

既勤垣墉惟其塗墍茨

釋名釋宮室曰塗杜也杜塞孔穴也墍猶

爲之也陳喬樞說說文土部墍仰塗也玉篇土部墍仰塗也漢書
揚雄傳曰獲人山則匠石轍斤而不敢斷服虔注曰獲古之善塗
墍者也施廣領大袖以仰塗而領袖不汗師古曰墍卽今之仰泥
也說文作涂墍釋名作塗墍皆據三家今文尙書也古文尙書作

敬正義曰二文皆言敬即古塗字是古文作敬塗其敬丹腹也

若作梓材既勤樸斲惟其塗丹腹

中論治學篇引書曰若作梓材既勤樸斲惟其塗丹腹錫瑞謹

案偉長所引今文尙書也古文作敷亦作敷說文引周書曰惟其敷丹腹集韻引敷丹腹敷訓開與塗訓杜義近疑敷爲敷之譌今所傳古文尙書乃改從今文作塗或疑中論作塗爲後人用今本尙書改之非也又案上云稽田作室兩喻與大誥云若考作室厥父菑兩喻正同蓋皆周公之辭其說相合惟此以梓材作喻則大誥所未及篇名梓材其以是與

今王惟曰先王既勤用明德懷爲夾庶邦享作兄弟方來亦既用

明德后式典集庶邦丕享

王鳴盛說自此以下乃周公因諸康叔而竝戒成王之詞與康誥敘首相爲起

結實三篇之大收束也錫瑞謹案以此爲周公戒成王則康誥篇首呼成王爲孟侯於此又呼爲王首尾兩歧似非竝誥康誥篇首王若曰鄭注云總告諸侯此以下當是總告諸侯之詞蓋封康叔時侯甸任國采衛諸侯皆在故云庶邦享作兄弟方來今王周公自謂所謂命大事則權代王也公若以此自傲而戒成王之意即在其中若以王屬成王則成王於時尙爲太子未得稱王也孔廣

森以曰無胥戕以下爲康叔
戒王之詞與今文義不合

皇天既付中國民

。今文付作附。王應麟藝文志
改曰漢人引皇天既附中國民

越厥疆土于先王肆王惟德用和澤先後迷民用澤先王受命已

若茲監惟曰欲至于萬年惟王子子孫孫永保民

。今文已作熙

云梓材曰欲至於萬年又曰王子子孫孫永保民案臺鼎用今文說
以康誥爲周公戒成王康叔封此所引經亦與古文尙書無異

今文尙書攷證卷十六

受業

熊羅宿
袁宗濂技

今文尙書攷證卷十七

善化皮錫瑞

召誥第十七

周書八

召誥大傳曰五年營成周六年制禮作樂七年致政成王史記周本紀曰周公行政七年成王長周公反政成王北面就羣臣之位成王在豐使召公復營洛邑如武王之意周公復卜申視卒營築居九鼎焉曰此天下之中四方入貢道里均作召誥洛誥魯世家曰成王七年二月乙未王朝步自周至豐使太保召公先之維相土其三月周公往營成周維邑卜居焉曰吉遂國之周禮疏引鄭注曰是時周公居攝五年二月三月當爲一月二月不云正月者蓋待治定制禮乃正言正月故也王鳴盛說鄭以此篇爲居攝五年事者伏生大傳云周公居攝五年營成周召誥正是營成周事故鄭以爲居攝五年是本諸伏生也史記魯世家作七年劉歆三統歷以召誥洛誥爲一年內事洛誥是七年致政時事故亦以召誥爲七年皆不如伏生爲可信孫星衍說史公以營洛邑作召誥爲在七年反政之時者據經文云王朝步自周下文云周公朝至于洛周公至是不肅王經文又云錫周公曰又有旦曰故知

在反政之後也此蓋孔安國古文說大傳以為在攝政五年者今
文異說也鄭從大傳錫瑞謹案鄭從大傳以作召詰在五年洛詰
在七年史公劉歆以作召詰洛詰皆在七年以經攷之當以史記
與劉歆之說為合然大傳之說亦自不誤大傳云四年建侯衛五
年營成周封康叔在四年而康誥篇首已云周公初基作新大邑
于東國雒者蓋三監既平遷都鄘之民於洛邑以殷餘民封康叔
於衛皆一時之事故建侯衛營成周於四五年連言之基謀也營
亦謀也公於四五年定其謀七年乃成其事而作召詰洛詰營洛
大事非一時所能辦大傳言其始史記要其終兩說可互相明本
無違異伏生云五年營成周不云五年作召詰召詰與洛詰文勢
相接不得以為相隔二年鄭君過求分析失之拘泥雖用伏生之
說而非伏生之意伏生初無五年作召詰之文王從鄭駁史記固
非孫從史公駁大傳亦非也史記本紀以為復政乃營洛世家以
為營洛乃復政據大傳營成周在致政之前當以世家之說為正
蓋洛邑未成制作未
定公必不遽復政也

惟二月既望越六日乙未

○今文惟作維越作粵。漢書律厯志

且冬至後二歲得周公七年復子明辟之歲是歲二月乙亥朔庚
寅望後六日得乙未故召詰曰惟二月既望粵六日乙未又粵若

來三月既死霸粵五日甲子粵六日庚戌粵五日乙卯皆作粵師
古曰今文尙書之辭是今文作粵也釋名釋天曰望月滿之名月
大十六日小十五日日
在東月在西遙相望也

王朝步自周則至于豐

史記集解馬融曰周鎬京也豐文王廟所
在朝者舉事上朝將卽土中易都大事故

告文王武王廟鄭元曰步行也堂下謂之步豐鎬異邑
而言步者告武王廟卽行出廟入廟不以遠爲父恭也

惟太保先周公相宅

宅。今文惟太作維大。大傳曰成王在豐欲
宅洛邑使召公先相宅六日乙未王朝步自

周至於豐惟太保先周公相宅注太保召公先周公視洛邑也段
玉裁說按洛惟太當作維維大錫瑞謹案宅疑亦當作度今文尙
書宅爲度史記漢石經可證漢人引三家尙書三家詩宅皆爲度
逸周書有度邑篇言營洛之事詩靈臺篇云經之營之毛傳經度
之也箋云度始靈臺之基趾營表其位是度與營義同大傳云營
成周是其義當爲度此云宅疑後人用古文尙書改之如洛惟太
當作維維
大之比

越若來三月惟丙午朏

○今文越作粵。漢書律厯志云其三月
甲辰朔三日丙午召誥曰惟三月丙午朏

孟康曰。月出也。今文一作維。丙午蠡。王應麟藝文志。攷漢儒引經異字。維。丙午蠡。段玉裁說。此蓋惟。丙午。蠡之異文。今文尙書也。惟作維。蠡作蠡。從月出。蠡與出雙聲。方言。蠡作也。廣雅。載出也。疑漢書本作丙午蠡。孟康注。有古文蠡爲。蠡之語。而或刪改之。錫瑞謹案。三家尙書異文不同。漢儒所引。自屬今文。未必卽出漢書也。王伯厚不云。出漢書。漢志又引畢命。豐刑。曰。惟十有二年。六月庚午。蠡王命作策。豐刑。則漢志自作蠡。非後人改之。

越三日戊申。太保朝至于洛。卜宅厥旣得。卜則經營。越三日庚戌。

太保乃以庶殷攻位于洛。汭越五日甲寅位成。○今文越作粵。洛作雒。○大傳曰。於

是四方諸侯率其羣黨各攻位於其庭。周書作雒。解曰。乃作大邑成周於土中。城方千七百二十丈。郭方七十里。南繫于雒水北。因

于郊山以爲天下之大湊。乃位五官太廟宗宮。考官路寢明堂。此攻位之事。七十里本作七百里。今從江聲。王鳴盛攷定。

若翼日乙卯。周公朝至于洛。則達觀于新邑營。○今文翼作翌。洛作雒。達作通。○段

玉裁說。達觀如今俗語云。通看一徧。達通也。今文尙書達作通。石經顧命。史漢禹貢可證也。

越三日丁巳用牲于郊牛二○今文越作粵○漢書郊祀志丞相

就陽之義也瘞地於北郊即陰之象也天之於天子也因其所都

而各饗焉昔者周文武郊於豐鄠成王郊於雒邑由此觀之天隨

王者所居而饗之可見也又王商等以為禮記曰燔柴於太壇祭

天也瘞蕪於大折祭地也兆於南郊所以為禮記曰燔柴於太壇祭

在北郊就陰位也郊處各在聖王所都之南北書曰越三日丁巳

用牲于郊就陰位也郊處各在聖王所都之南北書曰越三日丁巳

明事地察天地明察神明章矣天地日月王者為主故聖王制祭天

地之禮必於國郊白虎通郊祀篇曰祭日用丁與辛何先甲三日

辛也後甲三日丁也皆可以接事昊天之日故春秋傳郊以正月

上辛日尚書曰丁巳用牲于郊牛二五經異義曰春秋公羊說禮

郊及日皆不卜常以正月上丁也魯於天子立事變禮今成王命

魯使卜從乃郊不從即已下天子也魯以上辛郊不敢與天子同

也五經通義曰祭日以丁與辛何丁者反覆丁宜也辛者自克辛

也漢郊祀志元始五年王莽改祭禮曰曰孟春正月上辛若丁天

子親合祀天墜于南郊後漢禮儀志曰曰孟春正月上辛若丁天

文家說據此經為郊日用丁之證今據漢志匡衡王商等奏古皆

以南郊分祭天地周書不備耳後人乃用王莽謬說以為天地當

古文句事文選卷十二 三

合祭又謂古無北郊北郊卽社皆非是又據王商等議牛二乃加牲告徙新邑故用二牛或兼稷牲言之亦非也

越翼日戊午乃社于新邑牛一羊一豕一通社稷篇曰王者所以

有社稷何爲天下求福報功人非土不立非穀不食土地廣博不

可徧敬也五穀衆多不可一一祭也故封土立社示有土尊稷五

穀之長故封稷而祭之也尙書曰乃社于新邑牛一豕一又曰祭社稷以三

牲何重功故也尙書曰乃社于新邑牛一豕一又曰祭社稷以三

親祭社稷何社者土地之神也土生萬物天下之所主也尊重之

故自祭也錫瑞謹案白虎通所引今文義皆出今孝經說周禮疏

引孝經援神契曰社者五土之總神稷者原陽之神五穀稷爲長

五穀之祇書疏引曰社爲社神稷爲穀神玉海郊祀引曰勾龍柱

棄是配食者也風俗通祀典篇引曰社土地之主也土地闕不可

盡敬故封土爲社以報功也稷五穀之長也穀衆不可徧祭故立

稷神以祭之禮郊特牲疏引曰社者土地之主也土地廣博不可徧

敬故封五土以爲社稷者五穀之長穀衆多不可徧敬故立稷而

祭之五經異義引今孝經說與郊特牲疏所引同是援神契卽今

孝經說今尙書說與今孝經說同故白虎通引之足以見漢時諸

經今文家說無不相通故諸經今文說皆可以證今文尙書也鄭

駁異義亦用今文之說王肅好與鄭異乃以社稷為勾龍柱乘而
聖證論馬昭已駁之偽孔傳同肅義此偽孔傳出於肅之一證論
衡祭意篇曰社稷報生萬物之功社報萬物稷報五穀亦同今文
之說而又引左傳禮記勾龍柱乘之文並云傳或曰炎帝作火死
而為竈禹勞力天下水死而為社是漢人異說有以禹為社者漢
平帝元始五年用王莽議於官社後立官稷以夏禹配食官社后
稷配食官稷淮南子曰禹勞力天下死而為社要皆不若今文之
義塙也續漢祭祀志注引鄧義難社土神云再特于郊牛犢雅鄉
牛者后稷配故也社于新邑牛一羊一豕一所以用三牲者立社
位祀勾龍緣人事之也如此非祀地明矣以官室新成故立社耳
義以牛二為后稷配與王商等議不合以用三牲為立社祀勾龍
乃古文義仲長統荅鄧義難以為社祭土神用今文說作雒解曰
乃建大社於國中其墟東青土南赤土西白土北驛土中央疊以
黃土與白虎通義台獨斷曰天子社稷二壇方廣五丈社稷二神
功同故同堂別壇俱在未位土
地廣博不可徧覆故封社稷

越七日甲子周公乃朝用書命庶殷侯甸男邦伯厥既命殷庶庶

殷丕作

○今文越作粵男邦作任國○今文尙書男邦作任國見
禹貢酒誥漢書王莽傳公以八月載生魄庚子奉使朝用

書臨賦營築越若翊辛丑諸生庶民大和會十萬眾並集平作二旬大功畢成師古曰平作謂不促遽也平字或作丕丕亦大也王念孫說用雜諸文也隸書丕字或作平與平字相近因譌而爲平

大保乃以庶邦冢君出取幣乃復入錫周公後漢書宋憲傳曰昔周公懷聖人之德有

致太平之功然後王曰叔父加以賜幣又何故傳奏記宋由曰明君賜賚宜有品制忠臣受賞亦應有度是以夏禹元圭周公東帛書正義引鄭注云召公見衆殷之民大作周公德隆功成有反政之期而欲顯之因大戒天下故與諸侯出取幣使戒成王立於位以其命賜周公所賜幣蓋璋以皮及寶玉大弓陳喬樞說鄭君此注是用今文家說攷何休公羊傳注云牛圭曰璋白藏天子青藏諸侯魯得郊天故錫以白何休亦用今文家說故以白璋與寶玉大弓爲成王特賜周公與鄭君同也錫瑞謹案陳說非也公羊傳曰璋判白弓繡質龜青純蓋公羊以寶玉大弓爲三物璋判白玉也弓繡質大弓也龜青純寶也禮記禮器曰天子以龜爲寶樂記曰青黑緣者天子之寶龜也是龜青純稱寶之明證此三物皆周所以封魯公者非所以錫周公左氏定四年傳祝鮀曰分魯公以大路大旂夏后氏之璜封父之繁弱封父龜名繁弱弓名封父之繁弱之當訓與若皇父之二子之義謂封父龜與繁弱弓也禮記

明堂位曰崇鼎貫鼎大璜封父龜天子之器也越棘大弓天子之
戎器也是封魯有大有大璜封父龜大弓與祝鮀說同公羊傳不言
璜而言璋其說稍異何氏解詁曰不言璋言玉者起圭璧琮璜
五玉盡亡之也傳獨言璋者所以郊事天尤重也功公以圭璧琮
璜璋為五玉與白虎通以珪璧琮璜璋為五瑞說同辯規又以當
時為五玉盡亡則魯之分器若夏后氏之璜亦當在內傳不言璜
而言璋者以郊天之物故特舉之然則公羊與左傳禮記誤以封父為
合公羊亦非謂魯之寶玉大弓內無璜也鄭注禮記誤以封父為
國名故不知左氏傳之封父繁弱即公羊傳之弓絃質龜青純遂
疑寶玉大弓非封魯之分器既非封魯之分器則當是特賜周公
此致誤之所由來也然鄭云蓋則亦以無明文為疑辭陳氏曲意
阿鄭乃援何劭公以佐其說然何劭公之說具在何嘗以為成王
特賜周公乎何敬六世祖比干學尙書於吳錯則敬
當亦治今文家說者以幣為束帛今文說不誤也

曰拜手稽首旅王若公誥告庶殷越自乃御事

詩思齊鄭箋引書曰越乃御事無自

字自蓋衍文

嗚呼皇天上帝改厥元子茲大國殷之命惟王受命無疆惟休亦

無疆惟恤嗚呼曷其奈何弗敬

據論衡引下文作於戲例之今文嗚呼當作於戲以大誥例之曷字

當作害害其奈何四字重複或疑當無奈何二字陳喬樞說據北海相景君碑故民吳仲山碑童子達盛碑已皆作奈則奈字出今

文尙書可知矣

天既遐終大邦殷之命茲殷多先哲王在天越厥後王後民茲服

厥命厥終智藏瘝在

爾雅瘝病也郭注引書曰智藏瘝在今作瘝俗字當作瘝

夫知保抱攜持厥婦予以哀籲天徂厥亡出執嗚呼天亦哀于四

方民其眷命用懋王其疾敬德相古先民有夏天迪從予保面稽

天若今時既墜厥命今相有殷天迪格保面稽天若今時既墜厥

命今沖子嗣則無遺壽考

今文嗚呼作於戲壽考作者老。漢書孔光傳太后詔曰俊乂大臣惟國之

重其猶不可以闕焉書曰無遺考老師古曰言不遺老成之人也

曰其稽我古人之德矧曰其有能稽謀自天嗚呼有王雖小元子

哉其不能誠于小民今休王不敢後用顧畏于民○今文嗚呼作於戲○說

文言部誠和也周書曰不能誠于小民石部𠩺𠩺也周書曰畏于民𠩺讀與巖同據說文引書丕上無其字畏上不連顧字當上

屬爲句今文或亦當同

王來紹上帝自服于土中史記曰此天下之中四方入貢道里均白虎通京師篇曰王者京師必擇土中

何所以均教道平往來使善易以聞爲惡易以聞明當懼損於善惡尙書曰王來紹上帝自服于土中漢書地理志曰昔周公營

洛邑以爲在於土中諸侯蕃屏四方故立京師婁敬傳曰成王乃營成周都洛以爲此天下中諸侯四方納貢職道里均矣有德易

以王無德易以凶凡居此者欲令務以德致人不欲險阻令後世驕奢以虐民也新序善謀篇引同孝經援神契曰八方之廣周洛

爲中謂之洛邑新書屬遠篇曰古者天子地方千里中之而爲都輪將繇使其遠者不在五百里而至公侯地百里中之而爲都輪

將繇使其遠者不在五十里而至輪將者不苦其勞繇使者不傷其費故遠方人安其居士民皆有歡樂其土此天下所以能長久

也說苑至公篇南宮邊子曰昔周成王之卜居成周也其命龜曰予一人兼有天下辟就百姓敢無中土乎使予有罪則四方伐之無難得也論衡難歲篇曰儒者論天下九州以爲東西南北盡地廣長九州之內五千里竟三河土中周公卜宅經曰王來紹上帝自服于土中雒則土之中也此皆今文說以土中爲道里均兼有懼慎易亾之意也仲任以爲九州之內五千里與歐陽說同

旦曰其作大邑其自時配皇天越祀于上下其自時中乂王厥有

成命治民今休王先服殷御事比介于我有周御事

足利古本介作途段玉裁

說按孔傳凡介皆訓大不應此獨訓近疑本作途而譌介字之誤也

節性惟日其邁王敬作所不可不敬德我不可不監于有夏亦不

可不監于有殷

○今文監作鑒。後漢書崔駰傳駰獻書戒竇憲曰書曰鑒于有殷可不慎哉

我不敢知曰有夏服天命惟有厯年我不敢知曰不其延惟不敬

厥德乃早墜厥命我不敢知曰有殷受天命惟有厯年我不敢知

曰不其延惟不敬厥德乃早墜厥命今王嗣受厥命我亦惟茲二

國命嗣若功王乃初服嗚呼若生子罔不在厥初生

○今文嗚呼作於戲。論

衡率性篇曰人性有善惡善則養育勸率無令近惡近惡則輔保
禁防令漸於善召公戒成王曰今王初服厥命於戲若生子罔不
在厥初生生子謂十五子初生意於善終以善初生意於惡終以
惡傳言譬猶練絲染之藍則青染之丹則赤十五之子其猶絲也
孫星衍說案云十五子者學記云大學之法禁於未發之謂豫注
云未發情慾未生謂年十五時白虎通辟雍篇曰古者所以年十
五入大學何以爲八歲毀齒始有識知入學學書計七八十五陰
陽備故十五成童志明入大學學經術案十五爲太子入學之年
故王氏以釋經若生子謂若養子教之初生謂情欲初生也王乃
初服論衡作今王初服厥命者疑竝上今王嗣受厥命變其詞非
經文異字錫瑞謹案左氏傳曰國君十五而生子故仲任以十五
爲生子之時周公攝王抗世子法於伯禽蓋奉成王爲太子故召
公舉太子入學之年以爲戒不以生子爲
嬰孩之時者以自貽哲命非嬰孩所能也

自貽哲命今天其命哲命吉凶命厯年知今我初服宅新邑肆惟

王其疾敬德王其德之用祈天永命其惟王勿以小民淫用非彝亦敢殄戮用乂民若有功其惟王位在德元小民乃惟刑用于天下越王顯上下勤恤其曰我受天命丕若有夏歷年式勿替有殷歷年欲王以小民受天永命

潛夫論正列篇曰人君身修正賞罰明者國治而民安民安樂者天悅喜

而增麻數故書曰王以小民受天永命蓋以上下勤恤則國治民安民安則天悅而受永命今文義也

拜手稽首曰予小臣敢以王之讎民百君子越友民

○今文友民作有民。續

漢律麻志曰冀百君子越有民同心敬授蓋今文尙書作有民如牧誓友邦史記作有國不作朋友解也

保受王威命明德王末有成命王亦顯我非敢勤惟恭奉幣用供王能祈天永命

受業

龍鍾初校
袁宗濂

今文尙書攷證卷十八

善化皮錫瑞

洛誥第十八

周書九

洛誥。今文作雒誥。大傳見於諸書稱引者皆作洛誥。史記漢書亦作洛誥。而他處用雒邑字又作雒。疑洛誥字作洛乃後人改之。石經多士篇洛字作雒。

周公拜手稽首

白虎通姓名篇曰所以先拜手後稽首何名順其文質也尙書曰周公拜手稽首段玉裁說按白虎

通此條殘闕名當作各當云殷所以先稽首後拜手何周所以先

拜手後稽首何各順其文質也蓋殷之禮拜先稽首後拜手其喪

拜則拜手而後稽顙周之禮拜先拜手後稽顙其喪拜則稽顙而後拜手

曰朕復子明辟

漢書王莽傳羣臣奏言書遺嘉禾篇曰周公奉鬯立于阼階延登贊曰假王泣政勤和天下此周公

攝政贊者所稱成王加元服周公則致政書曰朕復子明辟周公常稱王命專行不報故言我復子明君也俞樾說漢儒亦以復爲

逆復之復平時周公稱王命專行無須復命至是成王已長周公將歸政退從臣禮故須復命也蓋復命成王即明已將歸政而初非以歸政為復子明辟也錫瑞璽案漢羣臣引逸書之奏必出於劉歆漢書律厯志引劉歆三統厯云後二歲得周公七年復子明辟之歲凡以事紀歲必屬當時大事則羣臣奏所云必指復政成王不專指營雒復命一節且以復為復命於此文猶可通而王莽傳又曰孺子加元服復子明辟如周公故事又策命孺子曰昔周公攝政終得復子明辟今子獨迫皇天威命不得如意後漢書桓帝紀順烈梁后歸政詔曰遠覽復子明辟之義李賢注云復還也子謂成王也辟君也謂周公攝政已久故復還明君之政於成王也魏志注引魏王丕令曰公旦履天子之籍聽天下之斷然復子明辟書美其人凡此諸文皆當解為復政而不可以復命解之不得曲徇宋人謬說反易漢儒古義也

王如弗敢及天基命定命予乃膺保大相東土其基作民明辟

選文

沈休文宋書謝靈運傳論注引弗作不案下文皆云不敢以作不為長

予惟乙卯朝至于洛師我卜河朔黎水我乃卜澗水東瀍水西惟

洛食我又卜渥水東亦惟洛食

漢書王莽傳莽下書曰予乃卜波

金水之南明堂之西亦惟玉食師古曰玉食謂龜為玉兆之文而

墨食也孫星衍說洪範云惟辟玉食則知食為玉食此土也師古

注玉為玉

兆非是

佀來以圖及獻卜

漢書劉向傳引書曰佀來以圖孟康曰佀使也使人以圖來示成王明口說不了指圖乃了也

段玉裁說按佀字疑本作平轉寫俗加人旁羣經音辨曰平使也人作也書平來以圖錫瑞案古文作平予政引今文或作佀也今文不盡同於古文不得以說文所無之字疑之

王拜手稽首曰公不敢不敬天之休來相宅

白虎通京師篇云聖人承天而制作尚書

曰公不敢不敬天之休來相宅

其作周匹休公既定宅佀來來視予卜休恒吉

今文佀作辨視作示。王應麟

文志攷漢人引經異字辨來來示予卜休恒吉錫瑞謹案佀平一字平辨一聲之轉平與辨蓋古今文之異以堯典平秩今文作辨

秩平章今文作辨章例之作辨者當是今文尚書
鄭注云仲來來者使二人也未知今文義同否

我二人共貞公其以予萬億年敬天之休拜手稽首誨言周公曰

王肇稱殷禮祀于新邑。白虎通禮樂篇曰太平乃制禮作樂何夫

禮樂所以防奢淫天下人民饑寒何樂之乎功成作樂治定制禮

王者始起何用正民以為且用先代之禮樂天下太平乃更制作

焉書曰肇修稱殷禮祀新邑此言太平去殷禮必復更制者示不

襲也書正義引鄭注云王者未制禮樂恒用先王之禮樂伐紂以

來皆用殷之禮樂非始成王用之也周公制禮樂既成不使成王

即用周禮仍令用殷禮者欲待明年即政告神受職然後班行周

禮班訖始得用周禮故告神且

用殷禮也鄭說與今文義合

咸秩無文。漢書郊祀志曰天子祭天下名山大川懷柔百神咸秩

無文師古曰秩序也舊無禮文者皆以秩序而祭之翟

方進傳曰正天地之位昭郊宗之禮定五時廟祫咸秩無文注孟

康曰諸廢祀無文籍皆祭之風俗通山澤篇曰傳曰五嶽視三公

四瀆視諸侯其餘或伯或子或男大小為差尚書咸秩無文王者

報功以次秩之無有文也王引之說文當讀為齋齋亂也盛唐曰

有條而不紊釋文紊徐音文是紊與文古同音故借文爲紊成秩
無紊者謂自上帝以至羣神循其尊卑大小之次而祀之無有殺
亂也羣方進傳亡文亦當作無紊統上天地郊宗五時廟祫言之
非謂諸廢祀也孟說非風俗通無有文也亦當作無有紊也謂所
視者公侯伯子男大小之差不紊也案王說攷之漢書風俗通皆
合魏封孔羨碑秩羣祀于無文漢人今文義當如是陳喬樞以無
文爲從殷之質非也

予齊百工伉從王子周予惟曰庶有事今王卽命日記功宗釋文曰記

上音越一音入實反陸氏不載石經同異未可據爲今文

以功作元祀惟命曰汝受命篤弼丕視功載乃汝其悉自教工今

文教工作學功。大傳曰書曰乃汝其悉自學功悉盡也學效也
傳曰當其效功也於卜洛邑營成周改正朔立宗廟序祭祀易犧
牲制禮樂一統天下合和四海而致諸侯皆莫不依神端冕以奉
祭祀者其下莫不自悉以奉其上者莫不自悉以奉其祭祀者此
之謂也盡其天下諸侯之志而效天下諸侯之功也侯康說按此
篇上言祀于新邑咸秩無文以功作元祀下言女其敬識百辟享

博宗將禮稱秩元祀則謂諸侯奉祭祀而效功與前後義合又後
案云康誥云侯甸男邦采衛播民和見士于周效功正此時情事
然則實勝古文
教百工之說矣

孺子其朋孺子其朋其往

○今文其往上有慎字。後漢書爰延

咨政德也故周公戒成王曰其朋其朋言慎所與也李賢注云尚
書周公戒成王曰孺子其朋孺子其朋慎其往段玉裁說較今本
多慎字足利古本同此疑爰增也揚雄尚書箴曰書稱其朋用雅
詰與爰延說同錫瑞謹案李注引書多慎字於義為長據爰延說
為慎所與今文尚書當有慎字三國魏志何晏奏曰周公戒成王
曰其朋其朋言慎所與也又蔣濟傳濟上疏曰周公輔政慎於其
朋皆有
慎字

無若火始燄燄

○今文作毋若火始庸庸。漢書梅福傳福上書

防之亦亡及矣師古曰庸庸微小貌也言火始微小不早撲滅之
則至熾盛矣侯康說按庸燄聲相近左傳文十八年闕職史記齊
世家作庸職說苑復恩篇作庸繼闕古讀如燄小
雅豔妻煽方處漢書谷永傳對策作闕妻是也

厥攸灼敘弗其絕厥若羹及撫事如予惟以在周工往新邑仵禘
卽有僚明作有功惇大成裕汝永有辭公曰已汝惟沖子惟終汝
其敬識百辟享亦識其有不享享多儀儀不及物惟曰不享。文已今
作熙曰不享上無惟字。鹽鐵論散不足篇云書曰享多儀儀不
及物曰不享故聖人非仁義不載於已非正道不繫於前漢書郊
祀志谷永說上曰經曰享多儀儀不及物惟曰不享師古曰言祭
享之道惟以絮誠若多其容儀而不及禮物則不爲神所享也又
谷永傳永對曰絕御不享之義義古儀字蓋引此經師古曰御退
也享當也言所爲不善不當天心也一日天不祐之不歆享其祀
也後一說與郊祀志義同趙岐孟子注曰享多儀謂享見之禮多
儀法也物事也儀不及事謂有屬也故曰不成享案孟子與鹽鐵
論引經皆無惟字疑本無之谷永引有惟字或併下文凡民惟曰
不享引之耳據孟子與桓寬引經則亦不專以享爲享祀書正義
引鄭注曰朝聘之禮至大其禮之儀不及物所謂貢篚
多而威儀簡也威儀既簡亦是不享也解與趙岐合

惟不役志于享凡民惟曰不享惟事其爽侮乃惟孺子頌
說文攷分也周

書曰乃惟孺子攸疑今古文同書正義引鄭注曰成王之才周公倍之猶未而言分者誘掖之言也與說文合當於頒字絕句

朕不暇聽朕教汝于棗民彝汝乃是不喪乃時惟不永哉篤敘乃

正父罔不若予不敢廢乃命汝往敬哉茲予其明農哉

大傳曰大夫士七十

而致仕老於鄉里大夫爲父師士爲少師耆劬已藏祈樂已入歲事已畢餘子皆入學十五始入小學見小節踐小義十八入大學見大節踐大義焉距冬至四十五日始出學傳農事上老平明坐於右塾庶老坐於左塾餘子畢出然後皆歸夕亦如之餘子皆入父之齒隨行兄之齒雁行朋友不相踰輕任并重任分頒白者不提攜出入皆如之書正義引此傳而釋之曰是教農人以義也以爲其明農哉之證孫星衍說此大學小學造士之法周公致仕則爲上老稱父師故欲明農錫瑞蘄案孫說過泥大傳所云父師少師乃大夫士之事非周公所當爲也周禮鄉老二鄉公一人蓋以三公退老者爲之屬大司徒掌教農人之事周公致政當爲鄉老故曰明農大傳所云乃推廣言之耳公卽致政豈得歸鄉里坐門塾爲大夫士之事哉

彼裕我民無遠用戾王若曰公明保予沖子公稱丕顯德以予小

子揚文武烈奉答天命和恒四方民

○今文答作對揚文武下有

大傳曰廟者貌也以其貌言之也宮室中度衣服中制犧牲中辟殺者中死割者中理擗弁者爲文纛龜者有容祿杙者有數太廟之中纛乎其猶模續也天下諸侯之悉來進受命於周而退見文武之尸者千七百七十三諸侯皆莫不罄折玉音金聲玉色然後周公與升歌而弦文武諸侯在廟中者伋然淵其志和其情愀然若復見文武之身然後曰嗟子乎此蓋吾先君文武之風也夫及執紼抗鼎執刀執匕者負盾而歌憤於其情發於中而樂節文故周人追祖文王而宗武王也是故周書自大誓就召詰而盛於洛誥也故其書曰揚文武之德烈奉對天命和恒萬邦四方民是以見之也鄭注辟法也擗弁或作振非當言拊帚杙者繫牲者也模續言文章之可觀也模所祿文章之範八州州二百一十國畿內九十三國此周所因於殷九州諸侯之數玉音金聲言宏殺之調也與諸侯升歌文王武王之德又以琴瑟播之伋讀曰播播然變動貌子成王也執鼎俎刀匕卑賤者尙然而况尊貴者乎漢書王莽傳曰周公居攝郊祀后稷以配天宗祀文王於明堂以配上帝是以四海之內各以其職來助祭蓋諸侯千八百矣陳喬樞說周公治定制禮追祖文王而宗武王而王莽傳仍言宗文王者蓋公雖已制禮於時未用俟成王卽政而後始行之觀此經下文王曰

四方迪亂未定于宗禮謂四方雖進於治而尙未定宗祀之禮也
篇末云王在新邑烝祭歲文王駢牛一武王駢牛一乃是改殷禮
而行周禮周尙赤故用駢牛此與召誥用牲于郊牛二社于新邑
牛一羊一豕一豕一牛不言駢者文異然則祖文王而宗武王在成王
卽政後舉行此禮益明矣錫瑞謹案陳說與大傳易犧牲之義合
爾雅揚訓續祖文宗武是繼續文武之德烈也三國魏志潘助作
策命魏公曰奉對天命後漢書蔡邕傳注引靈帝
制曰將何以素答天意對亦作答蓋三家文異

居師惇宗將禮稱秩元祀咸秩無文

漢東觀書章帝議增修祭祀詔曰經稱秩元祀咸秩無文

惟公德明光于上下勤施于四方旁作穆穆

○今文作光明于上下四方上無于字

大傳曰孔子曰吾於洛誥見周公之德光明于上下勤施四方旁作穆穆至於海表莫敢不來服莫敢不來享以勤文王之鮮光以揚武王之大訓而天下大治故曰聖之與聖也猶規之相周矩之相襲也鄭注聖言太祖段玉裁說凡今文尙書例用旁字凡古文尙書例用方字古文尙書勤施于四方方作穆穆尙書大傳勤施四旁旁作穆穆今本大傳勤施四方淺八依古文尙書改也揚雄劇秦美新旁作穆穆此用今文尙書也李善注劇秦已引勤施于四方旁作穆穆似擅改者不始於衛包也然安知善注非系淺人

所改耶錫瑞謹案段說非也四方者方面之方自應作方旁作者
旁溥之旁自應作旁非可以古文作方今文作旁例之謂一皆作
方一皆作旁也且四方字屢見經傳無有作四旁者豈皆古文無
今文亦豈皆後人改之耶段改旁作爲方作以爲古文失之專輒
茲未敢依其說改四方爲四旁以爲今文也蔡邕東鼎銘曰勤施
八方旁作穆穆伯喈用今文者是今文方旁字分別甚晰又楊公
碑曰旁施四方維明旁方字亦分別甚晰大傳畧說載東郊迎日
辭曰明光于上下勤施于四方旁作穆穆大戴禮公冠篇同陳喬
樞云此三句古有是語而成王以之
贊美周公謂公德如日月之照臨也

迂衡不迷

○今文迂作御。魏志文帝紀裴注引延康元年詔曰
御衡不迷今文於迷字絕句案此或以舜在璇機玉衡

烈風雷雨不迷比之
公之攝猶舜之攝也

文武勤教予冲子夙夜祗祀王曰公功斐迪篤罔不若時王曰公

予小子其退卽辟于周命公後

錫瑞謹案命公後卽下文王命周
公後王爲公立後而留公自輔也

公羊文十三年傳曰封魯公以爲周公也周公拜乎前魯公拜乎
後曰生以養周公死以爲周公主然則周公之魯乎曰不之魯也

封魯公以爲周公主然則周公曷爲不之魯欲天下之一乎周也何休解詁曰拜謂始受封時拜於文王廟也尙書曰用命賞于祖是也父子俱拜者明以周公之功封魯公也生以魯國供養周公如周公死當以魯公爲祭祀主加曰者成王始授其茅土之辭禮記明堂位曰封周公於曲阜地方七百里革車千乘蓋以爲有王功故半天子也周公聖人德至重功至大東征則西國怨西征則東國怨嫌之魯恐天下迴心趣鄉之故封伯禽命使遞供養死則奔喪爲主所以一天下之心於周室說苑敬慎篇曰昔成王封周公周公辭不受乃封周公子伯禽於魯後漢書申屠剛傳剛對策曰昔周公先遣伯禽守封於魯以義割恩寵不加後東觀記曰昔周公豫防禍首先遣伯禽受封於魯離斷至親以義割恩使已尊寵不加其後此皆今文之義而其說不同蓋兩義皆有之公聽伯禽就國一則使天下一心乎周二則不使伯禽更襲其尊寵也宋人乃以命公後爲命公留後治雜史記云周公在豐病將沒是公沒於豐漢書杜欽傳曰昔周公雖老猶在京師皆不言公留後治雜且留後乃唐宋以後官號三代無此官名毛奇齡已辨之

四方迪亂未定于宗禮亦未克救公功迪將其後監我士師工譏

保文武受民亂爲四輔

大傳曰古者天子必有四鄰前曰疑後曰丞左曰輔右曰弼天子有問無以對責之

疑可志而不志責之丞可正而不正責之輔可揚而不揚責之弼
其爵親卿其祿視次國之君也大戴禮千乘篇云國有四輔輔卿
也卿設如四體又保傳篇云明堂之位曰篤仁而好學多問而道
慎天子疑則問應而不窮者謂之道道者導天子以道者也常立
於前是周公也誠立而敢斷輔善而相義者謂之充充者充天子
之志者也常立於左是太公也絜廉而切直匡過而諫邪者謂之
弼弼者拂天子之過者也常立於右是召公也博聞彊記接給而
善對者謂之丞丞者承天子之道也常立於左是太公也絜廉而
成王中立而聽朝則四輔既備成王靡有過舉師古曰四輔謂左輔右
谷永傳丞對曰四輔既備成王靡有過舉師古曰四輔謂左輔右
弼前疑後丞也下引此經是四輔即虞之四鄰故文王世子曰虞
夏商周有師保有疑丞設四輔也王莽為漢設四輔官自為太傅
幹四輔之事孔光為太師與四輔之政王莽為太傅甄豐為少傅
皆授四輔之職漢策莽曰四輔之職三公之任而公幹之蓋用今
文之說莽為太傅自比周公孔光為太師比太公王莽為太傅比
召公甄豐比史佚也後漢書桓郁傳竇憲疏曰昔成王幼少越在
襁係周公在前史佚在後太公在左召公在右
中立聽朝四聖維之是以慮無遺計舉無過事

王曰公定予往已公功肅將祇歡公無困哉

○今文無作毋哉作我○漢書元后傳王

鳳乞骸骨上報鳳曰書不云乎公毋困我師古曰言公必須留京師毋得遠去而令我困杜欽傳欽說王鳳曰周公雖老猶在京師明不離成周示不忘王室也書稱公無困我續漢祭祀志注引東觀書曰章帝賜東平憲王蒼書曰宜勿隱思有所承公無困我逸周書祭公解王曰公無困我哉我下有哉字偽孔本用哉刪我文義不完

我惟無斁其康事公勿替刑四方其世享周公拜手稽首曰王命

予來承保乃文祖受命民

詩正義引鄭注云文祖者周曰明堂以稱文王是文王德稱文祖也鄭注堯典

亦云文祖者五府之大名猶周之明堂也錫瑞謹案鄭以文祖卽是明堂本尙書帝命驗緯書雖與今文義合然可以解堯典之文祖不可以解維詰之文祖唐虞曰文祖周曰明堂公不應近舍周名而遠陳古制祖文宗武雖在明堂然以此文經義論之與明堂無涉此云文祖下云烈考武王則文祖卽是文王似不必牽引明堂文祖之解此處今文說無可攷恐不同於鄭義也

越乃光烈考武王弘朕恭孺子來相宅其大惇典殷獻民

今本尙書作弘

朕恭莊寶琛說朕當作訓說文人部云侯古文以爲訓字尙書當是本作侯後改作朕字耳作維本武王之意見逸周書故曰公訓

共也錫瑞謹案大傳云以揚武王之大訓莊說與今文義合當於宏侯絕句共字屬下讀共奉也共孺子來相宅謂奉孺子來相宅也段玉裁云爲孔釋恭爲奉則恭本是共字

亂爲四方新辟作周恭先曰其自時中又萬邦咸休惟王有成績

予旦以多子越御事篤前人成烈答其師作周孚先考朕昭子刑

乃單文祖德詩正義引鄭注云成我所用明子之法度者乃盡明堂之德明堂者祀五帝太皞之屬爲用其法度也周

公制禮六典就其法度而損益用之案鄭以文祖爲明堂陳喬樞以爲今文說恐未可據說見前

佅來毖殷乃命宣詩正義引鄭云周公謂文王爲宣王成王亦謂武王爲宣王此一名二人兼之江聲說此宣王

謂武王也蓋營雒邑攝殷民皆武王之意故言使我來治洛者俱教殷民者乃受命於武王也陳喬樞謂江說於誼爲長攷史記周本紀稱武王謂周公曰自雒汭延於伊汭居易毋固其有夏之居我南望三塗北望嶽鄙顧倉有河粵詹雒伊毋遠天室營周居於雒邑而後去是營雒實武王之意周公乃受命於武王而爲之此今文尙書說也逸周書度邑解與周本紀所載同

予以秬鬯二卣日明禋拜手稽首休享予不敢宿則禋于文王武

王

正義引鄭注曰禋芬芳之祭曰明禋者六典成祭於明堂告五帝太皞之屬也既告明堂則復禋於文武之廟告成雜也案鄭

注與僞孔說異未知與今文合否

惠篤敘無有違自疾萬年厭于乃德殷乃引考王仲殷乃承敘萬

年其永觀朕子懷德戊辰王在新邑烝祭歲文王辟牛一武王辟

牛一王命作冊逸祝冊

○今文冊作策○漢書律厯志曰是歲十二月戊辰晦周公以反政故洛誥曰戊辰

王在新邑烝祭歲命作策惟周公誕保文武受命惟七年又曰成王元年正月己巳朔此命伯禽俾侯于魯之歲也錫珣謹案班志所引乃劉歆三統術劉以烝祭歲命作策爲一時之事在攝政七年十二月戊辰晦伯禽於十二月晦始受策則是年不得就國故俾侯于魯在成王元年劉云成王元年正月己巳朔者乃厯家推朔之文又云伯禽侯魯者乃舉是年大事以紀歲之法故云伯禽俾侯于魯之歲非以元年正月己巳朔爲命伯禽俾侯于魯之日也鄭君誤會劉旨以命伯禽卽爲元年正月朔日之事故以烝祭

上周也茲以經文攷之經云戊辰有日無月正月朔日特告文武封
年於末結之日惟七年則當爲七年十二月戊辰日無疑古人無
法多倒裝故先曰次月又次年王命周公後四句文法一氣命後
作策逸文已見前然封周公乃大事故又複舉其文云王命周公後
二月爲七年之十二月故又總結之曰惟周公誕保文武受命而十
七年據此文足知此篇以上皆周公居攝時事以下則周公致政惟
後事故下多士篇首卽變其文云周公告商王士王若曰異於前
之周公稱王此古史之文所以簡而明也若以今人文法例之則
當以十有二月列戊辰之上而以七年冠於篇首然尙書二十九
篇惟洪範金縢篇首冠以年而年月日不悉具則古史書事與今
人異十有二月惟七年其爲倒裝文法無疑矣鄭以烝祭與歲分
爲兩時兩事作策既屬元年正月下文何以云王命周公後作策
逸告在十有二月惟七年也卽以十有二月惟七年屬戊辰烝祭
言之然年月日文氣隔絕而以次年正月封周公一事橫亘於中
首尾決裂且作策命後已見於前而王命周公後二句旣不連在
十有二月言之無故複舉其文毫無意義古史書事常不若是之
拙如鄭說非將經文顛倒移易其義萬不可通凡解經當論其是
非不可徒爭門戶江聲王鳴盛陳喬樞皆曲通鄭說然以經文案

之無一通者釋文云王在新邑馬孔絕句是馬同劉歆說今文義當如是僞孔以烝祭與告文武爲一事其說較鄭爲優而以烝祭歲爲十二月之明月與漢志不合則亦失之

惟告周公其後王賓殺禋威格王入太室裸大傳曰祭者察也至也言人事至於神也

又曰祭之爲言察也察者至也至者人事至也人事至於神也

者薦也薦之爲言在也至者在其道也錫瑞謹案此經今文義

無攷據大傳虞傳曰尙考大室之義唐爲虞賓此言禹受舜禘

爲賓客而禹爲主人上考舜受堯禘唐爲虞賓之故事也受終在

文祖文祖卽周之明堂中有大室故曰大室之義周公攝王律以

兄終弟及之義本可卽眞逸周書武王有兄弟相後之命公不受

而復致政成王其義同於禘讓故用禘讓之禮公居賓位成王爲

主人王賓卽屬周公受終在明堂故云王入大室裸正與尙考大

室之義唐爲虞賓義同

王命周公後作冊逸誥在十有二月惟周公誕保文武受命惟七

年○今文冊作策○大傳曰七年致政禮記明堂位周書明堂解

史記魯世家漢書律厯志韓非子說難淮南齊俗訓皆云周公

居攝七年韓詩外傳曰周公踐天子之位七年說苑尊賢篇曰周
公攝天子位七年漢書王莽傳曰昔周公奉鬯體之嗣據上公之
尊然猶七年制度乃定鄭注云文王得赤雀武王俯取白魚受命
皆七年而崩及周公攝政不敢過其數也錫瑞案文王得赤雀
見於尙書中候我應武王俯取白魚見於中候合符后春秋璇璣
鈴大傳五行傳史記周本紀漢書董仲舒終軍傳王逸楚辭注其
說畧同論衡初稟篇曰文王得赤雀武王得白魚赤鳥儒者論之
以爲雀則文王受命魚鳥則武王受命文武受命於天天用雀與
魚鳥任命授之也天用赤雀命文王受命文武受命於天天用雀
也仲任所引乃今文家博士之說雖仲任不取其義然可以見今
文家說與鄭說同緯書多同今文之義鄭注據緯書故同今文說
也尙書中候撻洛戒曰若稽古周公旦欽惟皇天順踐阼卽攝七
年歸政于成王太平制禮
作樂而治鸞鳳見萇莢生

受業
龍鑑
宗濂
校

今文尙書攷證卷十九

善化皮錫瑞

多士第十九 周書十

多士史記周本紀曰成王既遷殷遺民周公以王命告作多士魯世家曰初成王少時病周公乃自揃其蚤沈之河以祝於神
口王少未有議奸神命者乃旦也亦藏其策於府成王病有瘳及
成王用事人或譖周公周公奔楚成王發府見周公禱書乃泣反
周公周公歸恐成王壯治有所淫佚乃作多士作毋逸孫星衍說
是此篇作於周公被譖奔楚成王迎歸之後蒙恬傳亦與魯世家
同所謂賊臣卽奄君也故經文有云昔朕來自奄錫瑞謹案昔朕
來自奄乃周公追述伐奄之事孫說非是謂賊臣卽奄君亦無據
論衡載金縢有二說古文家說周公奔楚與史記同而史公以奔
楚在致政後又與論衡說異蓋皆古文異說俞正燮據左氏傳魯
襄公適楚夢周公祖而行以證周公奔楚之事甚瑯然左
氏傳亦古文說也周本紀所云與魯世家不同乃今文家說
惟三月周公初于新邑洛用告商王士鄭注云成王元年三月周

公自王城初往成周之邑用成王命告殷王之眾士以撫安之錫瑞謹案據魯世家云周公奔楚迎歸之後乃作多士則惟三月不得在成王元年周本紀用今文說云成王遷殷遺民周公以王命告作多士正在召誥洛誥之後當為成王即政元年之事鄭注川今文說其義是也

王若曰爾殷遺多士弗弔見天大降喪于殷

異義今尙書歐陽說秋曰見天與爾雅釋

天白虎通四時篇同說文曰見秋天也虞書曰仁覆罔下則稱見天所引虞書蓋即尙書大傳之說釋名釋天曰秋曰見天見罔也物就枯落可閔傷也是今文說訓見為閔馬注云秋為見天秋氣殺也方言降喪故稱見天也馬亦用今文義惟李巡注爾雅云秋萬物成就皆有文章故曰見天其說不同

我有周佑命將天明威致王罰敕殷命終于帝肆爾多士非我小

國政弋殷命

馬鄭王皆作翼或今文亦同鄭云翼猶驅也非我周敢驅取汝殷之王命

惟天不畀允罔固亂弼我我其敢求位惟帝不畀惟我下民秉為

惟天明畏我聞曰上帝引逸有夏不適逸則○今文逸作佚○論

爲至德純渥之人稟天氣多故能則天自然無爲周公曰上帝引佚上帝謂舜禹也舜禹承安繼治任賢使能恭己無爲而天下治又語增篇曰經曰上帝引逸謂虞舜也下同自然篇文江聲說上帝天也引佚謂引進遺佚之賢言天欲人君任賢也此周公述所聞之語也有夏謂桀也不適言不進賢也大傳一不適謂之過再不適謂之敖三不適謂之誣佚則引佚之則也則讀如五命賜則之則謂規額也錫瑞謹案仲任以上帝爲古帝引佚爲任賢使能蓋今文家說據此則今文說於經文帝字不必皆詰爲天上云惟天不界惟帝不界兩文並列帝與天常有別或帝當爲古帝也江引大傳以不適爲不貢士似與仲任以引佚爲進賢能義合以上帝爲天與仲任所引今文說不合

惟帝降格嚮于時夏弗克庸帝大淫佚有辭惟時天罔念聞厥惟

廢元命降致罰乃命爾先祖成湯革夏俊民甸四方釋文云馬以時字絕句佚

又作偕馬本作屑云屑通也案今文不可攷論衡今文義以上帝引佚爲舜禹進賢能則有夏不適佚當言夏桀不能進賢故此言

天命成湯革夏用
俊民以治四方也

自成湯至于帝乙罔不明德恤祀亦惟天丕建保乂有殷殷王亦

罔敢失帝罔不配天其澤

史記魯世家多士稱曰自湯至於帝乙無不率祀明德帝無不配天者案帝乙

今文說以爲祖乙見酒誥篇詩文王鄭箋云殷自紂父之前未喪天下之時皆能配天而行故不亾也以帝乙爲紂父與今文說異

在今後嗣王誕罔顯于天矧曰其有聽念于先王勤家誕淫厥佚

罔顧于天顯民祇

○今文佚作佚。史記曰在今後嗣王紂誕淫厥佚不顧天及民之從也集解徐廣曰一作敬

之也馬融曰紂大淫樂其逸無所能顧念于天施顯道于民而敬之也案此當以天顯民祇相對爲義史公云及明非一事馬以民

屬天顯爲義非是

惟時上帝不保降若茲大喪惟天不弔不明厥德凡四方小大邦

喪罔非有辭于罰

史記曰其民皆可誅周多士段玉裁說其民皆可誅卽凡四方小大邦喪罔非有辭于罰也周

多士三字譌贗史記此節當移乃作多士作毋逸之下錫瑞謹案
史公於周多士下云文王日中旻不暇食饗國五十年作此以戒
成王以母佚篇之文并入多士篇上增周多士句則周多士言周
朝多士不屬商王士說疑史公所據今文尙書與古文本不同周
多士上又有其民皆可誅句古文尙書無之疑今文尙書有之文
選七命注四子講德論勸進今上賤奏彈王源文諸篇注皆引大
傳周人可比屋而封陳壽祺輯本未審爲何篇之句以史記周多
士證之疑卽多士篇文周多士卽所謂可比屋而封也上言紂民
皆可誅下言周人可比屋而封言民之善惡無常惟上所化論衡
率性篇傳曰堯舜之民可比屋而封桀紂之民可比屋而誅卽其
義也否則史記周字之下多士之上或有脫文與詩文王有聲正
義周禮典命疏蠲醜禮記王制正義明堂位正義左隱元年正
義通典御覽禮書儀禮經傳通解皆引多士篇大傳古者百里之
國與天子之堂兩條其說皆與古文尙書多士篇無涉則伏生所
傳尙書多士篇當與古文不同史公蓋用其說今
文與古文多異未可專據古文以史公爲誤也

王若曰爾殷多士今惟我周王丕靈承帝事有命曰割殷告敕于
帝惟我事不貳適惟爾王家我適予其曰惟爾洪無度我不爾動

自乃邑

白虎通京師篇曰天子所都夏商曰邑周曰京師春秋繁露三代改制質文篇曰周公輔成王受命作宮邑于雒陽

成文武之制作為樂以奉天殷湯之後稱邑示天之變反命案此

言自乃邑下言天邑商是殷後稱邑之證也王鳴盛說孟子引書

臣附于大邑周康誥作新大邑于東國雒時未制禮用先代禮故

仍舊稱也此篇首言新邑雒下文朕作大邑于茲雒對商士而言

如洪範因箕子而稱祀也

予亦念天即于殷大戾肆不正王曰猷告爾多士予惟時其遷居

西爾非我一人奉德不康寧時惟天命無違朕不敢有

○今文時違作維天命元○石經維天命元朕不敢有下段玉裁說此今

文尙書然也王氏鳳喈云无字誤為元脫違字其說非也漢石經

無不作无錫瑞謹案天命元謂天之元命上云厥惟廢元命元命

即命元也蓋今文尙書少無違二字多一元字有疑當讀為宥言

我遷爾非我奉德不康寧維天命元如此故我不敢宥也下云非予罪時維天命正申明此意

後無我怨惟爾知惟殷先人有冊有典殷革夏命今爾又曰夏迪

簡在王庭有服在百僚予一人惟聽用德肆予敢求爾于天邑商

予惟率肆矜爾

邕注曰今文肆矜作夷憐。班固典引曰革滅天邑蔡邕注曰天邑天子邑也論衡雷虛篇曰人君罪惡

初聞之時怒以非之及其誅之哀以憐之故論語曰如得其情則哀憐而勿喜紂至惡也武王將誅哀而憐之尙書予惟率夷憐爾孫星衍說此今文書說也以夷爲誅者易雜卦傳云明夷誅也憐爲矜者引論語哀憐亦哀矜異文憐矜聲相近段玉裁說夷肆古音同第十五部憐矜古音同第十二部

非予罪時惟天命王曰多士

今文惟作維王曰下有告爾二字石經口口罪時維天命王曰告爾

多下

昔朕來自奄予大降爾四國民命

孫星衍說經言昔朕來自奄者書序云成王東伐淮夷遂踐奄

作成王征成王既踐奄遷其君于薄姑周公告召公作將薄姑成王歸自奄在宗周作多方書疏引鄭注云此伐淮夷與踐奄是攝政三年伐管蔡時事其編篇于此未聞謂編在多士無逸君夷之後也案周本紀召公爲保周公爲師東伐淮夷踐奄亦在多士無

今文尙書攷證卷十九

四

逸之後與上文周公奉成王命伐誅武庚管叔放蔡叔不同時誅
管叔在攝政時踐奄在七年歸政後蓋史公所用孔安國古文說
管蔡流言周公不避居而以成王命伐誅武庚及三監及七年反
政有譖公者成王疑之公乃奔楚成王開金縢悟迎周公歸乃作
多士毋逸故此篇述昔朕來自奄也管蔡流言時奄君亦與知尙
書大傳載其事其時未及誅奄君也及反政後又有譖公者當卽
奄君故象恬云殺言之者而反周公旦當謂成王踐奄也若大傳
則云二年克殷三年踐奄則踐奄者周公與書序所云成王征及
成王歸自奄不合此今文異說不可附合古文且大傳有拊誥在
君夷之後百篇之序所無疑拊卽奄也王氏應麟以爲卽成王征
案奄旣滅於攝政三年此時又何誥俱不可解宜以史公所序爲
是經言予大降爾四國民命疑卽大傳拊誥錫瑞謹案孫說非也
伐奄本非一次一是周公踐奄見大傳一是成王踐奄見史記伏
生與史公各載其一大傳不及成王踐奄史公不言周公踐奄文
不備耳非因一事而訛傳重見也此云昔朕來自奄乃公自言三
年踐奄之事周公雖代王言亦可自述已事史記引書序說多士
在成王踐奄前若屬成王踐奄公不應豫言後來之事又不當云
昔朕來自奄也僞孔傳云奄再叛再征攷之經文其說不誤帝王
世紀曰王旣營都洛邑復居鄧錫淮夷徐戎及商奄又叛王乃大
蒐於岐陽東伐淮夷云奄又叛與僞孔義同僞孔傳卽王肅與皇

甫謚爲之而此條實有據蓋本今文家說知奄實有再叛之事者
大傳洛誥篇云三年踐奄與孟子曰三年討其君合成王踐奄無
三年知非一事而鄭君誤合爲一故云編篇未聞孫疑大傳云周
公踐奄與書序所云成王征成王歸自奄不合又疑奄既滅於攝
政三年此時又何誥皆由偏執鄭義不攷今文家說故必不信偽
孔再叛再征之解而解經遂不可通經云昔朕來自奄爲公追述
三年踐奄予大降爾四國民命四國爲管蔡商奄詩破斧毛傳云
四國管蔡商奄是毛公亦謂東征曾踐奄與大傳今文合足見今
文並非異說若史公所云諸周公者不知其人爲誰孫乃傳會以
爲卽奄君又謂降爾四國民命卽拊誥說皆無據且大傳明云踐
奄謂殺其身孫旣引大傳云管蔡流言奄君與知又云其時未及
誅奄君明背大傳之文以曲證其諧公卽奄君之說安得反以大
傳爲異說乎大傳曰奄君薄姑史記曰遷其君薄姑疑前之奄君
名薄姑後之奄君遷於薄姑其地卽蒲姑左氏傳所謂蒲姑商奄
者人名地名不妨相同鄭君疑薄姑非奄君名江聲疑書序將遷
其君于蒲姑于字當爲衍文皆未知其一爲人名一爲地名也周
公誅奄君薄姑蓋不滅其國誅君之子不立後之君奄者或亦薄
姑之族今見周遷殷士疑懼再叛故成王再踐奄而遷其君多士
與將蒲姑篇次相連此時蓋奄已有叛志
故公言昔朕來自奄舉前事以警之也

我乃明致天罰移爾遐遜比事臣我宗多遜王曰告爾殷多士今

予惟不爾殺予惟時命有申今朕作大邑于茲洛予惟四方罔攸

賓亦惟爾多士攸服奔走臣我多遜

○今文惟作維洛作雒。石經上闕茲維予維四方罔攸

賓亦維爾下闕賓字今鈔本刻本皆誤作責顧廣圻據漢隸字原作賓

爾乃尙有爾土爾乃尙寧幹止爾克敬天惟畀矜爾爾不克敬爾

不啻不有爾土予亦致天之罰于爾躬今爾惟時宅爾邑繼爾居

爾厥有幹有年于茲洛爾小子乃興從爾遷

○今文洛作雒。石經上闕有年于茲雒

爾小子乃興從爾遷王下闕

王曰又曰時予乃或言爾攸居

受業

龍鍾淨
袁宗濂校

今文尙書攷證卷二十

善化皮錫瑞

無逸第二十 周書十一

無逸

○今文作毋佚。○史記周本紀曰成王既遷殷遺民周公以

佚乃作多士作毋逸段玉裁說按本紀言作多士而兼舉無逸世家言作無逸而兼舉多士無今文尙書作毋逸今文尙書作効亦作佚漢石經殘碑本篇毋効于遊田毋兄曰可證史記周本紀作無佚魯世家作毋逸其字參錯不一以世家作毋爲不誤魯世家云乃作毋逸蒙上文淫佚而言則逸字之本作佚可知也錫瑞謹案魯世家云周公奔楚與論衡引古文家說相近則周本紀當爲今文說史公竝列今古文義然文字當依今文作毋佚其或作無或作逸疑後人改之也漢人引書多作佚惟石經作効廣雅釋詁曰効戲也釋言曰効豫也與石經合蓋用夏侯說也漢書梅福傳福上書曰留意亡逸之戒亦三家尙書之異文

周公曰嗚呼君子所其無逸先知稼穡之艱難乃逸

○今文嗚呼作於戲無逸

作毋佚稽作膏乃逸作乃佚。論衡儒增篇云：尚書毋佚曰：君子所其毋佚，先知稼穡之艱難，乃佚人之筋骨，非木非石，不能不解。故張而不弛，文王不為弛而不張。文王不行一弛一張，文王以為當錫瑞，謹案王引之說，乃逸二字因下文而衍。據論衡所引，則今文尚書有乃佚二字。王說非也。石經於篇末，公曰：於戲，作於戲，則此文當同正義引鄭云：嗚呼者，將戒成王，欲求以深感動之。君子謂在官長者，所猶處也。君子處位為政，其無自逸豫也。鄭本作嗚呼，據古文其說解當無異。張謂勤勞弛謂逸豫也。鄭

則知小人之依相，小人厥父母勤勞稼穡，厥子乃不知稼穡之艱

難，乃逸，乃諺既誕，否則侮厥父母曰：昔之人無聞知。○今文稽作

作憲，誕作延，否作丕。○漢石經上虞書之艱難，乃劬，乃憲，既延，不則侮厥下。閻錫瑞謹案：石經今文義當以乃劬二字屬上讀，與上文先知稼穡之艱難，乃佚反，正相對成文。乃憲，既延四字為句，卒印丕字與下云丕則有愆義同，非否字也。史記魯世家曰：毋逸，稱為人父母為業，至長久子孫驕奢，忘之以亡其家。為人子可不慎乎？正釋此經之義。憲，訓法與業義近。延，即長久之義。故史公以為業至長久，釋乃憲，既延以子孫驕奢忘之以亡其家。釋丕則侮厥父母曰：昔之人無聞知也。

思公曰嗚呼我聞曰昔在殷王中宗○今文嗚呼作於戲下接昔

中宗作其在中宗在肆太宗饗國三十三年句後○昔在殷王中宗據今文說當作其在中宗次於太宗之後說見下史記魯世家曰故昔在殷王中宗疑後人用古文尙書改之殷本紀曰帝大戊立殷復興諸侯歸之故稱中宗異義詩魯說丞相匡衡以爲殷中宗周成宜王皆以時毀古文尙書說經稱中宗明其廟宗而不毀許君案春秋公羊御史大夫貢禹說王者宗有德廟不毀宗而不毀毀非尊德之義鄭從而不毀錫瑞謹案古文尙書說中宗不毀則今文尙書說當爲中宗亦以時毀可知匡雅主治齊詩異義引作魯說蓋齊魯義同三家詩多與今文尙書合也漢書韋元成傳王舜劉歆議曰又說中宗高宗者宗其道而毀其廟名與實異非尊德貴功之意也古文尙書說蓋卽出於劉歆劉歆又本於貢禹

嚴恭寅畏天命自度治民祇懼不敢荒寧肆中宗之享國七十有

五年○今文祇作震享作饗中宗下無之字七十下無有字○史記魯世家曰嚴恭敬畏天命自度治民震懼不敢荒寧故中

宗饗國七十五年寅作敬故訓字如寅寅饗寅皆作敬之例肆作故亦故訓字祇作震則歐陽尙書異文集解馬融曰知民之勞

苦不敢荒廢自安也段玉裁說祇震異部而音轉最近如咎繇暮祇敬夏本紀作振殷庚震動漢石經作祇柴誓祇復之魯世家作振皆是也。一作天命自亮以民祇懼。○漢石經中宗嚴恭寅畏天命自亮以民祇懼段玉裁說度與亮音不相涉亮與量音同自量猶自度也治呂同在古音第一部馮登府說詩涼彼武王韓作亮爾疋釋詁亮相導也漢諸葛名亮亮之傳已久石經必據今文作亮而書之耳釋詁亮右也天命自亮言天命佑助也此文義

其在高宗時舊勞于外爰暨小人

○今文高宗下無時字舊作久爰作爲。○史記曰其在高宗久

勞于外爲與小人高宗下無時字舊作久爰作爲爲與爰字形相近今文尙書蓋作爲暨作與則故訓字也集解馬融曰武丁爲太子時其父小乙使行役有所勞役於外與小人從事知小人艱難勞苦也鄭元曰爲父小乙將師役於外也殷本紀曰武丁修政行德天下咸驩殷道復興帝武丁崩帝祖庚立祖己嘉武丁之以祥雉爲德立其廟爲高宗續漢祭祀志注引東觀書云高宗久勞猶爲中興敦煌長史武斑碑云久勞于外與史記合中論曰其在高宗寔舊勞于外蓋古文尙書時字與寔字義同本虛字屬下讀史公所據今文尙書無之鄭君詩譜云後有高宗者舊勞于外亦無時字

作其卽位乃或亮陰

○今文作乃有亮闇。史記曰作其卽位乃有亮闇。蓋今文尙書或作有集解鄭元曰

謂之梁闇謂廬也。一作梁闇。大傳曰書曰高宗梁闇三年不言何謂梁闇也傳曰高宗居倚廬三年不言百官總已聽於冢宰而莫之違此之謂梁闇又曰高宗有親喪居廬三年然未嘗言國事而天下無背叛之心者何也及其爲太子之時盡以知天下人民之所好惡是以雖不言國事也知天下無背叛之心鄭注尙書毋佚云諒闇轉作梁闇廬謂之梁闇廬也小乙崩武丁立憂喪三年之禮居倚廬柱楣不言政事鄭讀諒爲梁用伏生義也鄭又注禮記云諒古作梁楣謂之梁闇讀如鴛鴦之鴛謂廬也其義亦同。一作諒闇。春秋繁露曰先王之制有大喪者三年不呼其門順其志之不在事也書曰高宗諒闇三年不言居喪之義也禮記喪服四制篇曰書曰高宗諒闇三年不言善之也漢書王吉傳曰臣聞高宗諒闇三年不言白虎通爵篇曰尙書曰高宗諒闇三年是也說語曰君薨百官總已聽於冢宰三年緣孝子之心則三年不忍當故三年除喪乃卽位統事卽位踐阼爲主南面朝臣下稱王以發號令也故天子諸侯凡三年卽位終始之義乃備所以諒闇三年卒孝子之道也又四時篇尙書曰諒闇三年公羊文九年傳注子張曰書云高宗諒闇後漢書濟北惠王傳曰諒闇已來二月十八月景君碑云諒闇沈思鄭君詩譜亦作諒闇。一作諒陰。

論語子張曰書云高宗諒陰論衡儒增篇曰高宗諒陰三年後漢書魯恭傳曰諒陰三年。一作涼陰。漢書五行志曰殷道既衰高宗承微而起盡涼陰之哀天下應之師古曰涼讀曰諒一說涼陰謂居喪之廬也謂三年處於廬中不言段玉裁說諒涼亮梁古四字同音不分平仄也闇陰古二字同音在侵韻不分侵覃也大傳釋梁闇爲居廬鄭注闇讀如鴉鵲之鵲謂廬也其注禮記尙書皆用大傳說上字讀爲梁讀爲者易其字也下字讀如鴉讀如者釋其音也大雅涼彼武王韓詩作亮白虎通釋禘於梁甫之義云梁信也然則古同音通用之法可見矣錫瑞謹案同聲通用段說得之而尙書之義則當本作梁闇伏生大傳用其本字其或作諒涼亮或作陰者皆字之段借也喪服傳云居倚廬寢苦枕塊又云既虞窮屏柱楣鄭君云楣謂之梁是梁闇者倚廬而柱楣者也父母之喪無貴賤一也蓋古天子至士喪禮皆同其制漢人舊說皆以梁闇爲居喪惟馬注解爲信默蓋誤認段借之字爲本字鄭不從馬而從伏最爲卓見僞孔傳與論語孔注皆王肅所爲故皆用信默也

三年不言其惟不言

。今文無其惟不言句。史記曰三年不言

語憲問禮檀弓喪服四制論衡儒增篇引書皆云三年不言無其惟不言四字是今文尙書本無之以文義論古文尙書亦不當有

惟禮坊記引高宗云三年其惟不言言乃謹鄭注高宗殷王武丁也名篇在尙書案書序有高宗之訓高宗卽高宗之訓也據鄭君說是三年其惟不言在逸書高宗篇並非舛佚篇文蓋毋佚篇云三年不言言乃謹高宗篇云三年其惟不言言乃謹皆不作三年不言其惟不言也作僞古文者蓋據坊記所引增竄經文以示異於史公鄭君所據之本而不顧其文義複沓難通

言乃雍。今文作言乃謹。史記與檀弓坊記引皆作謹段玉裁說史記作謹今文尙書也記與今文尙書合然則今文不盡非古文不皆是於此可見王肅私定家語亦作謹注云尙書作雍蓋以古文尙書正今文尙書也錫瑞謹案史記集解引鄭元曰謹喜悅也言乃喜悅則民臣望其言久矣鄭注檀弓同又注坊記云謹當爲歡聲之誤也其旣言天下皆歡喜樂其政教也據此疑鄭所據本亦作謹而鄭詩譜作雍書疏引鄭尙書注云有所言則羣臣皆和諧是古文尙書自作雍字鄭注載記乃用今文不用古文者以戴記本今文學故從今文解之也集解引鄭注與書疏所引注異集解所引或卽檀弓注也今古文多不合若謂古文爲王肅改竄肅何不並家語正文改之乎鄭詩譜云三年不言言乃雍中論天壽篇云三年不言惟言乃雍從古文作雍而亦無其惟不言句孔融薦謝該疏曰

三年乃謹用今文尙書

不敢荒寧嘉靖殷邦至于小大無時或怨。○今文嘉作密邦作國怨上無時或二字。○史

記曰不敢荒寧密靖殷國至于小大無怨御覽引東觀漢記序曰密靜天下容於小大高宗之極至也段玉裁說密靜天下容於小大槩括無逸篇文也與史記密靖殷國正合是可證今文尙書作密古文尙書作嘉司馬子長劉珍等皆用今文尙書原文非以密訓嘉也錫瑞案段說是也鄭詩譜中論皆作嘉用古文與今文不合光武封禪刻石文曰乾乾日昃不敢荒寧

肆高宗之享國五十有九年。○今文作肆高宗饗國五十五年。○史記曰故高宗饗國五十五年錫瑞

謹案史記此文與兩漢人所引今文尙書不合周本紀曰穆王立五十五年崩亦與論衡氣壽篇所云不同疑皆後人改之如收太宗爲祖甲以合於古文尙書不知其與殷本紀云帝甲淫亂不符也。一作肆高宗之饗國百年。○漢石經上闕或怨肆高宗之饗

國百年是今文尙書一本有或字饗國百年與漢書五行志劉向傳杜欽傳論衡氣壽篇合侯康說古文單舉在位之歲今文統舉壽數言之太平御覽皇王部引帝王世紀云武丁享國五十有九年年百歲正參用古今文世紀一書不可盡信此則其可信者若論衡氣壽篇云高宗享國百年周穆王享國百年並未享國之時皆出百三十四歲矣是以百年爲單舉在位然仲任說實誤考

呂刑王享國百年傳疏謂從生年數按周本紀云穆王卽位春秋已五十矣立五十五年崩與傳疏合傳疏在仲任後或未足據司馬固足據也以呂刑例之高宗百年亦必從生年數享國二字不必以文害辭漢書五行志中下云高宗振木鳥之妖致百年之壽杜欽傳高宗享百年之壽百年下系以壽字必是兼舉生年至論衡則云傳稱高宗有桑穀之異悔過反政享福百年又云殷高宗遂享百年之福不言壽而言福意謂壽不止此也錫瑞謹案侯說非也王仲任以百年爲單舉在位之年其說不誤故無形篇異虛篇皆不言壽而言福而劉向論星孛山崩疏已云故高宗有百年之福則不言壽而言福亦不始於仲任周公舉三宗饗國之年一云三十三年一云七十五年一云百年皆舉在位之年故云饗國若高宗並數生年則與上太宗中宗不一例若謂太宗中宗亦數生年則太甲壽止三十三年何云克壽僞古文云五十有九年與石經及劉子政杜子夏班孟堅王仲任所云百年皆不合皇甫謐卽僞造古文者故世紀獨與之同豈可爲據且世紀又云太甲一名祖甲享國三十三年百年歲夫同一享國也太甲則單舉在位高宗則並數生年皇甫之言一何紕繆下文云文王受命維中身厥饗國五十年文王九十七乃終饗國五十年明是單舉在位三宗文王義當一例何獨異於高宗漢書禮樂志王吉疏云壽何以不若高宗王吉習齊詩蓋亦用今文家說以高宗爲在位百年師

古注乃用偽古文說云高宗享國五十九年故云壽信如其說則中宗七十五年享國視高宗爲久何乃舍中宗而舉高宗乎

其在祖甲 ○今文作昔在殷王太宗從此句至三十有三年句在周公曰於戲句下其在中宗句上 ○段玉裁說漢石經

高宗之饗國百年自時厥後隸釋所載殘碑緊接不隔一字洪氏云此碑獨闕祖甲計其字當在中宗之上以傳序爲次也是今文

尙書與古文尙書大異考殷本紀太甲稱太宗太戊稱中宗武丁廟爲高宗漢書王舜劉歆曰於殷太甲曰太宗太戊曰中宗武丁

曰高宗周公爲毋逸之戒舉殷三宗以勸戒成王儆非尙書有太宗二字司馬王劉不能凡造賈誼曰顧成之廟稱爲太宗景帝元

年申屠嘉等議曰高皇帝廟宜爲太祖之廟孝文皇帝廟宜爲太宗之廟賈本尙書據此今文尙書祖甲二字作太宗二字其文之

次當云昔在殷王太宗其在文尙書祖甲二字作太宗二字其文之易其次序也錫瑞謹案段說是也史記殷本紀曰帝太甲修德諸

侯咸歸殷百姓以宣伊尹嘉之通作太甲訓三篇褒帝太甲稱太宗白虎通姓名篇曰殷以生日名子何殷家質故直以生日名子

也以尙書道殷家太甲帝乙武丁也白虎通引尙書皆今文今文無太甲三篇疑亦指毋佚篇太宗高宗言之非以書序文也漢書

平帝紀四年二月尊孝宣廟爲中宗孝元廟爲高宗王莽大誥曰尊中宗高宗之號服虔注曰宣帝元帝也蓋莽用今文尙書說尊

宣帝爲中宗元帝爲高宗以仿殷之三宗東觀書章帝賜東平王蒼書曰比放三宗誠有其美亦據今文尙書比放三宗疑是比殷三宗之誤史記作其在祖甲後人改之

不義惟王舊爲小人

○今文惟作維舊作久○史記曰不義維王

甲賢武丁欲立之祖甲以王廢長立少不義逃亡民間故曰不義惟王久爲小人也王肅曰祖甲湯孫太甲也先中宗後祖甲先盛德後有過也錫瑞謹案馬說不知所據與西漢今文說不合書正義引鄭說與馬畧同孔氏已駁之矣若王肅兼用今文之義傳合古文之次序以祖甲爲大甲而又置之高宗之後作僞孔傳解不義惟王爲爲王不義倒易經文以就已說又造僞古文太甲篇茲乃不義以實之不知此篇屢言小人之依顯然不合且古君子小人皆以義爲小人與下于外知小人之依顯然不合且古君子小人皆以位言無有以小人之行爲小人者周公舉殷三宗以勸戒成王當舉其美不當舉其顯覆典刑之惡是王說尤非也經云不義維王者義古儀字擬也不義維王謂不擬居王位孟子曰湯崩太丁未立外內二年仲壬四年殷法兄終弟及立子不立孫使外丙仲壬或有一人永年則太甲無次立之勢故太甲不自擬維王殷時王子多在民間太甲未立之時或亦在外故云久爲小人于外知小

人之依也

作其卽位爰知小人之依能保惠于庶民不敢侮鰥寡肆祖甲之

享國三十有三年

○今文無作其卽位句爰字作于外二字惠作施下無于字庶民作小民不敢侮作不侮享作

養上無之字祖甲當作太宗○史記曰于外知小人之依能保施小民不侮鰥寡故祖甲鑒國三十三年太宗作祖甲後人以古文尙書改之肆作故故訓字中論天壽篇云能保惠庶民不侮鰥寡亦無于字敢字帝王世紀曰太甲脩政殷道中興號曰太宗一名祖甲享國三十三年百歲皇甫謐謂一名祖甲乃窮緒之見其所云年或有據也

自時厥後立王生則逸生則逸不知稼穡之艱難不聞小人之勞

惟耽樂之從自時厥後亦罔或克壽或十年或七八年或五六年

或四三年

○今文逸作佚不重生則佚三字穡作齊不開小人之

四○漢石經自時厥後下關中論天壽篇曰自時厥後立王生則逸不知稼穡之艱難不知小人之勞苦唯耽樂是從自時厥後亦

岡或克壽或十年或七八年或五六年或三四年據此則今文尙書不重生則逸三字逸從今文當作佚或四三年以上文或七八年或五六年文法例之當從中論作或三四年是也漢書杜欽傳欽說王鳳曰女德不厭則壽命不究於高年書云或四三年言失欲之生害也師古曰周書亡逸篇失讀曰佚佚與逸同四三年疑傳寫誤倒。今文作唯耽樂是從時亦岡有克壽。漢書鄭崇傳崇諫哀帝曰周公著戒曰惟王不知艱難唯耽樂是從時亦岡有克壽故衰世之君天折蚤沒此皆犯陰陽之害也論衡語增篇經曰惟湛樂是從時亦岡有克壽長夜之飲精耶酒池不舍晝夜是必病病則不甘飲食困毒而死雖未死宜羸膠矣。一作不岡小人之勞惟耽樂之從時亦岡有克壽。後漢書荀爽傳爽引周公之戒曰不知稼穡之艱難不聞小人之勞惟耽樂之從時亦岡有克壽是其明戒段玉裁說自時厥後四字作時一字或作有三家相合此今文尙書也古或有二字音義皆同如不或亂政史記作不有治政乃或亮陰史記作乃有亮開皆古文作或今文作有之證後漢書作岡或恐有改之者

周公曰嗚呼厥亦惟我周。今文嗚呼作於戲惟作維。今本尙書大傳云書曰厥兆天子爵段玉裁說攷之於經漢白虎通爵篇云書亡逸篇曰厥兆天子爵段玉裁說攷之於經漢人以亡爲無蓋古文尙書厥亦惟我周五字今文尙書駁異如此

兆天子爵者卽兆基王迹之謂也顧廣圻說經云厥亦惟我周亦與兆相似故誤作亦實當爲兆天子爵惟我周太王王季克自抑畏言其兆起天子之爵者惟我周先世太王王季能抑畏故也錫瑞謹案二說皆傳會失之大傳今無完書或卽取之於白虎通小字本元本白虎通皆無亾字亾字當是衍文漢人以孔壁古文逸無師說者爲逸篇白虎通蓋引書逸篇文其爵篇之說曰何以知帝亦稱天子以法天下也中候曰天子臣放助書逸篇曰厥兆天子爵毋佚篇乃周書白虎通引以證帝亦稱天子之義則非周書可知輯大傳者以此文入毋佚篇蓋未詳攷茲故不取其說以爲今文尙書

大王王季克自抑畏文王卑服卽康功田功微柔懿恭懷保小民

惠鮮鰥寡

○今文柔作臬恭作共民作人惠鮮鰥寡作惠于矜寡

闕段玉裁說按隸釋載石經嚴恭寅畏作恭維正之共作共分別如是而微柔懿共亦作共則漢時不作懿美恭敬解也錫瑞謹案共恭古通用段說亦過拘廬江太守范式碑云微柔懿恭正作恭不作共不得謂漢時不作懿美恭敬解也大傳畧說曰矜寡孤獨天民之窮而無告者皆有常饒又曰文王施政而物皆聽是釋此經之義。一作微柔懿恭。○范式碑作恭。○一作惠于鰥寡。○漢

書景十三王傳曰惠于鰥寡谷永傳引經曰懷保小人惠于鰥寡班固典引曰懷保鰥寡之惠決後漢書明帝紀中元二年詔引惠於鰥寡皆不作惠鮮惟漢紀谷永對策引經曰懷保小民惠鮮鰥寡人作民于作鮮與漢書谷永傳不合乃後人改之段玉裁說惠鮮恐是惠于之誤于字與羊字畧相似又因下文鰥字魚旁誤增之也

自朝至于日中旰不遑暇食用咸和萬民

史記曰文王日中旰不暇食墨子曰文王至日

旰不暇飲食漢書董仲舒傳冊曰周文王至于日旰不暇食對曰當此之時紂尚在上尊卑昏亂百姓散亡故文王悼痛而欲安之是以日旰而不暇食也後漢書黃瓊傳曰詩咏成湯之不忘遑書美文王之不暇食風俗通過舉篇曰文王日旰不暇食。今文旰一作稷暇一作夏。錫瑞謹案漢今文家旰一作稷暇一作夏成湯靈臺碑云日稷不夏正用此經之文費鳳別碑云乾乾日稷廊閭頌云劬勞日稷辛通達李仲曾造橋碑亦以日稷爲日旰惟樊穀碑云勞神日吳作旰易豐日中則旰孟喜作稷穀梁春秋經戊午日下稷左氏公羊經皆作旰中候握河紀云昉明禮備至于日稷孝經鉤命決曰堯禪舜沈書日稷而赤光起此旰稷古通用之證暇夏古亦通用多方須夏之子孫是其證也

文王不敢盤于遊田以庶邦惟正之供

○今文遊田作游畋惟正之供作維正之共上無以

庶邦三字

○張衡西京賦曰盤于游畋李善注尚書曰不敢盤于

游畋

楚語左史倚相引周書曰文王至於日中昃不皇暇食惠于

小民

唯政之恭段玉裁說正國語作政漢書谷永傳引下文惟正

之共

亦作正按古政正通用此作正爲長供國語作恭當是本作

共後

人改之陳喬樞說惠于小民卽上文懷保小民惠于鰥寡也

唯政

之恭卽此文不敢盤于游田維正之共也倚相蓋藥枯毋佚

之文

耳政正古相通用谷永傳引下文惟正之共故作正字是作正

者今

文尙書作政者古文尙書也周禮凌人注曰故書正作政是

其驗

已錫瑞謹案二說是也石經與谷永傳引下文皆無以萬民

三字

楚語引此文亦無以庶邦三字蓋今文尙書本無之楚語與

今文

合石經於下文作維作共此亦當同石經與谷永傳於下文

皆作

毋効于游田則游田二字連文晏子諫下篇作盤遊於田疑

後人

妄改之○一作樂于游田○後漢書鄧惲傳惲上書諫帝曰

昔父

王不敢樂于游田以萬人爲憂李賢注引尙書云以萬人惟

政之

共也錫瑞謹案君章云以萬人爲憂者乃釋經言文王不敢

盤游

之意非謂經有以萬人爲憂之文也若注所引乃下文周公

戒嗣

王語非謂文王且君章所據是今文今文尙書並下文亦無

以萬

民三字東觀漢記惲上書曰昔文王不敢盤于遊田以萬民

爲憂與後漢書同蓋後漢書又改民爲人以避唐諱也後漢紀邳
渾諫曰昔文王不敢盤游于田以萬民惟正則其文尤誤游于二
字上下互易與晏子春秋合與漢人引經皆不合以萬民惟正之
共乃下文戒嗣王語又去其之共二字則文義不完蓋由淺人據
古文尙書之下文改君章憂字爲正字以合之而不知君章乃釋
經意非引經文也陳蕃傳諫幸廣城校獵疏曰周公戒成王無榮
于遊田亦作榮作用

文王受命惟中身厥享國五十年

○今文享作饗。史記曰文王

此以誠成王白虎通壽命篇曰壽命者上命也若言文王受命惟
中身享國五十年詩文王篇正義引鄭注云中身謂中年受命謂
受殷王嗣立之命陳喬樞說彼謂文王爲諸侯受天子命也今攷
呂氏春秋制樂篇云文王立國八年歲六月地動改行重善無幾
何疾乃止文王卽位八年而地動已動之後四十四年凡文王立
國五十一年而終韓詩外傳說亦與此同韓詩外傳是今文家說
然則知鄭君此注亦用今文尙書說也

周公曰嗚呼繼自今嗣王則其無淫于觀于逸于遊于田以萬民

惟正之供無皇曰今日耽樂其母淫于酒非効于遊田維自今嗣王

毋兄曰今日耽樂漢石經上關酒毋効于遊田維口口共毋兄

日今日下關漢書谷永傳曰放去淫溺之樂罷歸倡優之笑絕却

不享之義慎節游田之虞引經曰繼自今嗣王其毋淫于酒毋逸

于遊田惟正之共說之曰未有身治正而臣下邪者也與石經合

石經維下共上所關必正之二字段玉裁說今文尙書作毋兄古

文尙書作無皇也下文則皇自敬德石經殘碑作則兄曰敬德鄭

注皇暇也言寬暇自敬王肅本皇作況注曰況滋益用敬德王蓋

據今文以改古文也此皇字鄭亦常訓暇王亦當作況況訓滋益詩

小雅常棣況也永歎況或作兄兄是古字況是今字大雅桑柔倉

兄填兮召旻職兄斯引毛傳皆云兄滋也韋昭國語注云況益也

毋兄曰者毋益曰云云也

乃非民攸訓非天攸若時人不則有愆無若殷王受之迷亂酗于

酒德哉周公戒成王毋若殷王紂又翼奉傳奉上疏曰周至成王

有上賢之材因文武之業以周召為輔有司各敬其事在位莫非

其人天下甫二世耳然周公猶作詩書深戒成王以恐失天下書

則曰王毋若殷王紂後漢書梁冀傳袁箸上書曰周公戒成王無如殷王紂論衡譴告篇云周公勅成王曰毋若殷王紂毋者禁之也殷紂至惡故曰毋以禁之漢人所引無作毋受作紂皆據今文尙書師古翼奉傳注云周書亡逸之篇曰周公曰烏庠毋若殷王紂之迷亂酗於酒德哉與今本尙書不同陳喬樞說師古每襲取漢魏人音義舊文以爲己注此注引書有周公曰烏庠蓋舊注約舉此節首尾之詞其受字作紂者所引據今文尙書也於戲作烏庠者三家之本容有不同如漢書翟義傳王莽仿大誥文皆作烏庠亦其明證也錫瑞謹案陳說是也酤今文尙書當作涵知者史記漢書引微子篇沈酤于酒皆作沈涵于酒則此文亦當同酤炎遺令書汝無逸于邱無涵于酒是引此經作涵之明證

周公曰嗚呼我聞曰古之人猶胥訓告胥保惠胥教誨民無或胥

譴張爲幻

○今文嗚呼作於戲教誨下無民字無或譴張爲幻中

張爲幻爾雅釋訓傳張誑也郭注云書曰無或傳張爲幻皆無胥字段玉裁說按此句無胥字爲是上文三胥字皆君臣相與之詞此胥字不倫下文人乃或譴張爲幻亦無胥字蓋因傳孔傳有相字而增之也陳喬樞說許兩引書皆據古文尙書也爾雅及郭注

引書作倂張此今文尙書也郭蓋襲用樊李舊注之語攷尙書釋文云譌馬本作轉後漢書皇后紀董皇后詈何后曰汝今轉張怙汝兄揚雄國三老箴曰姦寇侏張李善云轉與侏古字通善即據馬本尙書讀侏爲轉字詩陳風曰誰侏予美鄭箋云誰侏張詒欺我所美之人乎是鄭以今文尙書倂張釋詩之誼然則知作倂作轉皆三家之異文馬本亦讀從今文轉字也錫瑞謹案大傳云舟張辟雍舟即倂之省字蓋伏生本作舟三家作倂或作轉也說文倂有壅蔽也是壅蔽爲倂之本義雍即壅字辟雍蓋以有壅蔽得名舟張辟雍者謂其有壅蔽而張大也凡有壅蔽則多欺誑故倂張引申爲誑爲與僞通漢書王莽傳引堯典作南僞史記索隱本作南爲是其證倂張爲幻蓋即倂張僞幻四字平列爲義與上訓告保惠教誨皆二字平列義同

此厥不聽人乃訓之乃變亂先王之正刑至于小大民否則厥心

違怨否則厥口詛祝。今文作此厥不聖人乃訓變亂正刑至于下閭石經闕厥不聖人乃訓變亂正刑至于下閭

聽作聖無之乃二字無先王之三字段玉裁說聽聖字古音同部不似今人俗語云否則也古然否字則祇作然不馮登府說案樂

記小人以聽過釋文云聽本作聖風俗通義云聖者聲也聲亦有
義故字得通錫瑞謹案段說否則皆不則之誤是也今文作不
聖其義當為不容洪範五行傳曰思心之不容是謂不聖然則不
聖即不容之義東觀漢記序曰密靜天下容於小大乃稟括經文
密靖殷國至于小大無怨二句文義蓋能容則小大無怨不能容
則至于小大民不則厥心違怨不則厥口詛祝也石經作不聖與
五行傳不聖義同東觀漢記容于小大之容字即容作聖之容以
經文前後合而觀之能容之效與不能容之弊乃正相反可以攷
見兩漢今文家造說其義最精

周公曰嗚呼自殷王中宗及高宗及祖甲及我周文王茲四人迪

哲。○今文嗚呼作於戲中宗作太宗高宗作中宗祖甲作高宗。
段玉裁說自殷王中宗及高宗及祖甲今文尙書必云自殷王

大宗及中宗及高宗此無可疑者

厥或告之曰小人怨汝詈汝則皇自敬德厥愆曰朕之愆允若時

不啻不敢含怒。○今文皇自作兄曰。漢石經則兄曰敬德厥愆
曰朕之愆允下闕王鳴盛說蔡以自作曰蓋自或

省作白故誤錫瑞謹案王說非也此與上文毋兄曰今日耽樂文
法正同章注國語云兄益也兄曰敬德卽益曰敬德也後漢書楊
震傳震上疏曰殷周哲王小人怨詈則還自敬德所以達聰明開
不諱傳采負薪極盡下情也楊氏傳歐陽尙書引經作自字與今
文不合還字亦不可通蓋
遑字之誤疑皆後人所改

此厥不聽者不容也。今文聽作聖。石經於上文作不聖此亦當同不聖
義之

人乃或譴張爲幻曰小人怨汝詈汝則信之則若時不永念厥辟
不寬綽厥心亂罰無罪殺無辜怨有同是叢于厥身周公曰嗚呼
嗣王其監于茲。今文嗚呼作於戲監上無其字。
漢石經關公曰於戲嗣王監于茲

今文尙書攷證卷二十

受業熊羅宿校